

四庫全書

集部

欽定四庫全書

集部

山谷外集詩注卷八

詳校官庶吉士_臣胡鈺

檢討_臣何思鈞覆勘

總校官候補中允_臣王燕緒

校對官編修_臣勵守謙

謄錄監生_臣趙大赤

欽定四庫全書

山谷外集詩注卷七

宋 黃庭堅 撰

史 容 注

林為之送筆戲贈

閻生作三副規摹宣城葛

三副粟尾棗核散卓皆筆名宣州諸葛氏能作筆柳公權

求之不能用惟王右軍能用之故世有曰非右軍不能用諸葛筆也東坡云宣城諸葛氏筆擅天下其間不甚佳者終有家法如北苑茶內庫酒教坊樂雖弊精神欲強學之而草野氣終不可脫山谷嘗言宣城諸葛三副

筆鋒雖盡 外貌雖銑澤毫心或麤糲

爾雅絕澤謂之銑注云美金光澤也

蜀志張裔傳張府君知執壺外雖澤而內實麤杜詩百年麤糲腐儒餐

功將希栗尾拙乃

成棗核李慶縛散卓

東坡云散卓筆惟諸葛能之他人學者皆得其形似而無其法反不

如常

含墨能不洩

退之毛穎傳穎為人強記無不愛重又善隨人意後雖見廢棄終默不洩

病在惜白毫往往半巧拙小字亦周旋大字難曲折時

時一毛亂乃似逆梳髮張鼎徒有表

明皇雜錄上欲相蘇頲夜艾召直宿

舍人蕭嵩草詔既成其詞曰國之瓌寶上曰頲瓌之子不欲斥其父名當為刊削久之復進惟改曰國之珍寶

上擲其草曰虛有徐偃元無骨

後漢東夷傳注云徐君宮人娠而生卵棄之有

犬名鵲倉銜卵以歸遂生小兒生而偃因以為名尸子曰偃王有筋而無骨故曰偃東坡云魯直出衆工筆使僕歷試筆鋒如著鹽曲蟾詰曲紙上魯直曰此徐偃筆也有筋無骨可謂名不虛得如東坡之言則徐偃有筋無骨非獨山谷借喻亦當時固有此語耶

撫畫記姓名

項籍傳書足記姓名而已

亦可應

倉卒為之街南居時通鈴下謁

晉羊祐傳鈴閣之下侍衛不過數人楊方傳初

為郡鈴下威儀

晴軒坐風涼怪我把枯筆開囊撲蠹魚遣奴送

一束洗硯磨松煤揮灑至日沒蚤年學屠龍

莊子朱評漫學屠龍

子支離益殫千金之家技成無所用其巧溫庭筠詩虎拙休言畫龍稀莫學屠

適用固疎闊言自

所學不同流俗若屠龍之技無所用之如退之書云凡所辛苦而僅有之者皆符于空言而不適于實用故學

成而道益窮年

廣文困齏鹽

唐增國子學置廣文館以鄭虔為博士山谷時為大

名府國子監教授故以自況退之

烹茶對秋月略無人

問字況有客投轄

揚雄傳劉棻常從雄學作奇字陳遵

取客車轄投井中雖有急不得去杜詩甘從投轄飲肯作置書郵

文章寄呻吟講授費

頰舌

頰舌見前注

閒無用心處雌黃到筆墨

晉王衍傳世號口中雌黃

時

不與人遊

即歲不我與也

孔子尚愛日

揚子法言或曰孔子之道不可小歟曰小則貶

聖如何曰若是則何為去乎曰愛日曰愛日而去何也曰由羣婢之故也

作詩當鳴鼓聊自

攻短闕

用論語鳴鼓而攻之自攻其短也退之詩還家雖闕短指日親晨餐此摘其字

再和答為之

君勿嘲廣文泣寒被絺葛

左傳其藏冰也深山窮谷因陰泣寒注泣閉也北史袁充

傳年十餘歲父黨至門時冬初充尚衣葛衫客戲曰絺兮絺兮淒其以風充應聲曰惟絺與絺服之無數杜對

焉知南鄰客九月猶絺絺絺

君勿嘲廣文窮年飯粢糲

列子云食則糲糲居則蓬室

常恐俎豆予與世充肴核

莊子云老聃之役有庚桑楚者居畏壘之山三年而畏壘

大穰畏壘之民相與言曰胡不尸而祝之杜而稷之庚桑子聞之曰畏壘之細民而竊竊然欲俎豆予于賢人

之問小雅賓之初筵云籩豆有楚斝核維旅注斝豆實也核加籩也斝云豆實醑醢也籩實有桃梅之屬凡

木不願材

退之祭子厚文凡木之生不願為材

大折小枝洩櫟依曲轅社

聊用神其拙

莊子云匠石之齊至于曲轅見櫟社樹其大蔽牛觀者如市匠石顧曰散木也無所

可用故能若是之壽匠石歸櫟杜見夢曰汝將烏乎此予哉若將此予于文木耶夫粗柴槁柚果族之屬實熟

則剝則辱大枝折小枝洩

吾家本江南一丘藏曲折

杜詩一丘藏曲折緩步有躋攀

瀕溪蔭蒼筤

易繫辭震為蒼筤竹

蕭洒可散髮

文選稽叔夜詩散髮巖岫

既無

使鬼錢

見前注

又無封侯骨

見前注

薄祿庇間曹且免受逼

卒為此懶出門徒繫懷中謁

漢高祖紀乃給為謁曰賀錢萬師古曰為謁者書刺

自言爵里若今參見通名也後漢禰衡傳陰懷一利既無所之至于刺字漫滅

直齋賓客退風

物供落筆詩成著牀頭

晉王湛傳牀頭有周易

不知今幾束若何

向予勤見詩歎埋沒嗣宗須洒澆

嗣宗見前注

未信曾懷閣

自狀一片心

唐裴慶自贊曰一片靈臺丹青莫狀

碧潭浸寒月

寒山子詩我心似秋

月碧潭清皎潔

令德感來教為君賦車轄

小雅開闢車之轄兮此篇又云令德來教

左傳昭二十五年宋公享昭子賦新宮昭子賦車轄

君思揚雄吒

吒當為吃本傳口吃不能劇談

何似張儀舌

史記張儀傳儀云視吾舌尚在否

此意恐太狂願為引繩

墨

此語蓋答其扣章之意望其規正如木從繩也

正使此道非改過從今日報

章望瓊琚

詩不成報章又云報之以瓊琚

勿使音塵闕

文選月賦美人邁兮音塵闕謝

靈運詩各勉日新志音塵慰寂滅

再和答為之

林君維閩英數面成瓜葛

數面成親瓜葛並見前注

鄰居接杖藜過

飯厭疏糲

漢鮑宣傳俱過宣一飯去後漢第五倫傳不過從兄飯杖藜見前注大雅台是篇彼疏斯

輝箋云疏糲也謂糲米也

退之詩疏糲亦足飽我饑

讀書飽工夫論事極精核

南史

王僧虔傳宋文帝書天然勝羊欣工夫少于欣漢書孝宣之治綜核名實政事文學法理之士咸精其能此摘

其奮身君子場勇若怒未洩

東都賦云馬蹏餘足士怒未洩

窮年棲旅

巢

易旅卦鳥焚其巢

由命非由拙王良驅八駿

左傳哀二年郵無郵御簡子注

王良也左傳又稱子良又曰郵良穆天子傳云八駿之乘盜驪赤驥白義渠黃驊騮綠耳

方駕度九

折

杜詩切攀屈宋宜方駕又方駕曹劉不啻過九折坂在漢蜀郡嚴道縣王尊叱馭處

學堂疎雨

餘

退之秋懷詩學堂日無事

石砌長苔髮

爾雅藻石衣注云水苔也一名石髮

弟子肥

如瓠

漢張蒼傳肥白如瓠

先生瘦惟骨

元注云林君在朱氏講授朱氏兒皆面白豐肥林君

如刻

北門一都會

一都會也史記貨殖傳多有此語

塵埃人卒卒

司馬遷書

卒卒無須史之間霍光傳見雲家卒卒

高蓋如秋荷勢利相奔謁

漢張耳傳勢利

之交古人羞之

惟君尚寂寞來觀草玄筆

揚雄傳雄作太玄自言寂寞為尸

文未易陳正當高閣東

退之詩春秋三傳束高閣字本出庾翼傳

金馬事陸

沈

陸沈見前注

市門遂乾沒

貨殖傳刺文繡不如倚市門張湯傳始為小吏乾沒

未須

相賢愚

退之別趙子云宜各從所務未用相賢愚

聊自嘲迂濶

孟子題辭時君咸謂之迂

關子

憶昨戲贈詩迺辱報明月

鄒陽傳明月之珠夜光之璧

極知推

挽意

左傳或挽之或推之

我車君欲轄

見前篇車轄注

屠龍真強言

屠龍見前

篇奔馬不及古

論語駟不及舌自悔出屠龍之語也第

析書曰一言而非駟馬不及追

賜書盈五車

莊子曰惠施多方其書五車

直舍方二

墨

二墨見前注

會意便欣然

淵明集五柳先生傳云好讀書不求甚解每有會意便欣然忘

食

餘事過窻日尚恐素餐錢諸生在城關

詩不素餐兮又子衿刺學

校廢也批兮達兮在城關

兮漢高后紀賜餐錢奉邑

贈趙言

饒陽趙方士眼如九秋鷹

釋氏書云舍利佛此言驚驚子以其母眼如鷺鷥也此用

學書不成不學劍

項籍傳學書不成去學劍

心術妙解通神明醫

俯身拾地芥

夏侯勝傳取青紫如俛拾地芥耳

相如仰面觀天星

劉向

夜觀宿

自言方術雜鬼怪萬種一貫皆天成

論語吾道一以貫之

梁小肆傾賓客

李白詩荆門倒屈宋梁苑傾鄒枚

二十餘年聲籍籍

漢江都易王非子建傳國中口語籍李白詩高名動京師天下皆籍籍

得錢滿屋不經

詩經之營之寒山子詩文

散與世人還寄食

韓信傳寄食于

北門塵士滿衣襟廣文直舍官槐陰杜詩廣文到官舍白雲

酒終日醉紅燭圍棋清夜深大車駟馬不回首史記范雎

傳須賈曰非大車駟馬吾不出強項老翁來見尋強項見前注向人忠信去

表褫詩揚之水云素衣朱褫爾雅黼領謂之褫退之云褫順而裏方可喜正在無機心

機心見前注輕談禍福邀重褶史記貨殖傳諸食技術之人為重褶也司馬季主傳卜而

有不審不見奪褶注云離騷經曰懷椒糈以要之王逸云糈精米所以享神王荆公詩老吏問門無重褶韻畧

有糈字無褶字疑即糈也集韻音胥說文糧也又音所廣韻私呂切孫鴻慶詩蕭蕭鳧鷖行重褶不到門所

在多子竹葦林維摩經云譬如甘蔗竹韋稻麻叢林翁言此輩無足聽見

葉知根論才性飛騰九天沈九淵

漢郊祀志九天巫祠九天師古曰九天謂

中央鈞天東方蒼天東北旻天北方玄天西北幽天西方浩天西南朱天南方炎天東南陽天其說見淮南子淵有九名見莊子應帝王篇晉胡奮傳聞女為貴人哭曰老奴不死惟有二兒男入九地之下女上九天之上

自種自收皆在行

班固夾旨曰博懸于投不必在行

先期出語駭傳聞

事至十九中時病輪困離奇惜老大成罷本可十萬乘

鄒陽傳蟠木根柢輪困離奇而為萬乘罷

自歎輕霜白髮新又去驚動都城

人都城達官老子事

禮檀弓疏達官謂國之卿士大夫被君命者也退之詩中朝大夫老

于嫌翁出言不斌媚

唐魏徵傳帝曰人言徵舉止疎慢我但見其斌媚耳前集元師此君

軒詩云神人傳書道人命死生禍福如看鏡晚
知直語觸憎嫌深藏幽寺鐘鼓聲與此同意

有手莫

炙權門火

杜詩炙手可熱勢絕倫唐崔
鉉傳曰鄭楊段薛炙手可熱

有口莫辯荆山

玉

新序曰荆人卞和得玉璞而獻之荆厲王王使玉尹
相之曰石也以和為謾而斷其左足武王即位和復

奉璞而獻之武王使玉尹相之曰石也又斷其右足共
王即位和乃奉璞而哭于荆山三日三夜泣盡繼之以

血共王使人問之對曰寶玉而名之曰石貞士而戮之
以謾此臣之所以悲也王乃使人理其璞而得寶玉焉

名之曰和
氏之璧

吳宮火起燕焚巢

此語謂上自權門火越絕
書吳宮西在長秋門秦始

皇十一年守宮者照燕失火燒也鮑照空城雀云猶勝
吳宮燕無罪得焚巢李白野田黃雀行遊莫逐炎洲翠

棲莫近吳宮燕吳宮火起

焚爾巢炎洲逐翠遭網羅當時卞和斫兩足

此語謂上
句荆山玉

千里辭家却入門

韓詩二十辭
家來射策

三春榮木會歸根

歸去
來辭

木欣欣以向榮老子云夫物

芸芸各復歸其根歸根曰靜

我有江南黃篾舫
隋書楊
帝紀上

御龍舟幸江都文武官五品以

上給樓艦九品以上給黃篾

與翁長入白鷗羣
莊子
曰入

獸不亂羣入鳥不亂行李白
詩明朝拂衣去永與白鷗羣

次韻題粹老客亭詩後

客亭長短路南北

長亭短亭見
哀江南賦

袞袞行人那得知惟有

逢即相別一杯成喜只成悲

古樂府木蘭歌父母見
木蘭喜極成悲傷韋應

詩北日相逢非舊
一杯成喜亦成悲

贈張仲謀

如雞栖馬如狗

見前注

閉門常多出門少去天尺五張

子

老杜贈韋七贊善詩時論同歸尺五天自注曰俚語云城南韋杜去天尺五前漢外戚傳云童謡曰

燕尾涎涎張公子時

見杜詩天上張公子

官居城南池館好

杜詩宋公舊池館

健

伏馬紫游韁

杜詩朔方健兒好身手洛陽伽藍記快馬健兒不如老婢吹簫杜詩右持腰間

左彙紫游韁自注云昔鄴下童日青青御路楊白馬紫游韁

迎我不知沙路長高

榆老柳媚寒日枯荷小鴨凍野航津人刺船起應客

莊子

漁父言吾去子矣乃刺船而去陳平傳解衣遙知故人

藏而佐刺船杜詩刺船思郢客解水乞吳兒

一水隔下馬索酒呼三遲

杜詩馬上誰家白面郎當階下馬生人牀不通姓字粗豪

甚指點銀瓶索酒嘗盡全詩等間

對酒呼三遲看羊殺牛皆自任

騎奴笑言客竟癡王

述傳桓溫欲為子求婚子坦之言溫意述大怒曰汝竟癡耶

向來情義比瓜葛萬事

畧不置町畦

騎奴瓜葛町畦並見前注

追數存亡異憂樂燭如白虹

貫酒卮

白虹貫日見鄒陽傳

開軒臨水弄長笛

笛稱弄用晉桓伊傳三調弄也吹

落殘月風淒淒城頭漏下四十刻破魔驚睡聽新詩

楞嚴

經云親見如來降伏諸魔今言睡魔也石曼卿詩已為物象添詩瘦更被陰晴長睡魔

君詩清壯

悲節物正與秋蟲同一律

韓文田漢至今用一律

邇來更覺苦語

工思婦霜碓擣寒月

曹子建七哀詩曰明月照高樓流光正徘徊上有愁思婦悲歎有餘

哀沈休文云高樓切思婦蓋用子建語也謝朓有擣衣詩白樂天詩誰家思婦秋擣帛月苦風淒碓杵悲朱

顏綠髮深誤人

孟郊詩酒人皆倚春髮綠病叟獨藏秋髮白

不似草木長青

春

文選潘尼詩予滋素秋子登青春泣云素秋謂老青春謂少

潔身好賢君自有今

日相看進于舊以茲敢傾一盃酒為太夫人千萬壽

張翰

日使我有身後名不如即時一盃酒後漢岑彭傳以朔望問太夫人起居注云漢法列侯之母方稱太夫人

乞貓

山谷手書此詩題云從隨主簿乞貓

秋來鼠輩欺貓死

魏志曹公曰憂天下無此鼠輩耶退之詩立名賊曹與五伯盡取鼠輩尸

諸市

窺甕翻盤攪夜眠聞道狸奴將數子

傳燈錄僧曰狸奴白牯為什麼

却有知南史何承天云
鳳皇將九子此摘其字

買魚穿柳聘銜蟬

銜蟬用俗語也后山詩話

云乞貓詩雖滑稽而可
喜千歲之下讀者如新

謝周文之送貓兒

養得狸奴

見前注

立戰功將軍細柳有家風

用周亞夫細柳營事一

簞未厭魚餐薄四壁當令鼠穴空

謝張泰伯惠黃雀鮓

去家十二年黃雀慳下筯

晉何曾傳曰食萬錢猶曰無下筯處

笑開張侯

盤湯餅始有助

東晉餅賦云湯餅為最

蜀王煎穀法醢以羊羖兔

自注云俗謂亥卯未餽餽內則曰三牲用穀注云穀煎菜羹也正義曰賀氏云今蜀郡作之三牲謂牛羊豕

麥餅薄于紙含漿和鹹酢秋霜落場穀

詩云食我場穀

一一挾

繭絮

東坡詩披綿黃雀漫多脂

飛飛蒿艾間入網輒萬數烹煎宜老

稚嬰缶煩愛護南包解京師

老杜北征詩粉黛亦解包

至尊所珍御

文選西京賦侈靡踰乎至尊退之李花詩冰盤夏薦碧實脫斥去不御慙其花此御字之意

玉盤登

百十睥睨輕桂蠹

漢陸賈傳尉佗獻桂蠹二罪注桂蠹桂樹蠹蟲師古曰此蟲食桂故味辛

而漬之以蜜食之也五侯噦豢豹

西漢婁護合五侯間奇膳以為鯖世稱五侯鯖見西京雜記文

選枚叔七發云山梁之餐黍豹
之胎退之南山詩思想甚含噉見謂美無度
美無度見前注瀕

河飯食漿瓜蒔已佳茹
漢食貨志菜如有畦誰言風沙中鄉味入

供具
漢荆王劉渾傳請張卿臨親修具注曰具供具也又叔傳云迎延滿堂日為供具坐令親

饌甘更使客得與
郭林宗傳茅容殺雞為饌林宗謂為已設既而以供其母自以草蔬與客

同飯山谷用此意而反其詞蒲陰雖窮僻
蒲陰齊州所治縣也張泰伯官于此勉作三

年住願公且安樂分寄尚能屢
詩云將安將樂

贈答晁次膺

次膺豪健如霜鵲空拳誤掛田犬牙
漢李陵傳士張空拳拳音秦杜詩霜

鵬不空拳山谷用少陵語當音權漢文紀地形如犬牙

果輸司空城旦作

漢轅固傳太后

怒曰安得司空城旦書乎按刑法志云完為成旦春文選任彥昇策秀才文睚眦有違論輸左校注輸役也

付與步兵厨人家

晉阮籍傳籍聞步兵厨營人善釀酒

野馬橫郊作凝水

莊子野馬也塵埃也文選連珠沈寒凝水不能結風

牽牛引竹上寒花無酒醉公

不甚惜誦公五字使人嗟

東坡詩樂天長短三千首却愛韋郎五字詩樂天嘗云韋

應物為蘇州牧詩甚多有郡宴詩兵衛森畫戟燕寢凝清香最為警策詩意歎次膺掛吏議而左遷酒官

楊朴墓

三尺孤墳一布衣人言無復似當時千秋萬歲還來此

千秋萬歲
見前注

月笛煙莎世不知

元注云揚朴喜吹笛嘗作
莎詩極工按范文正公詩

話云楊朴字契玄鄭州人善為詩不仕少與畢相同學
畢薦之太宗召見面賦莎衣詩云狂脫酒家春醉後亂
堆漁舍晚晴時除官不受聽歸山以其子從政為長水
尉東坡云昔年過洛見李公簡言真宗東封訪天下隱
者聞鄭人楊朴能為詩台對自言不能上問臨行有人
作詩送行否朴曰惟臣妻有一首云更休落魄耽畧酒
且莫猖狂愛詠詩今日擬將官裏去
這回斷送老頭皮上大笑放回山

次韻孔四著作作早行

棄置鋤犁就車馬

選詩棄置勿重陳退
之詩起身自犁鋤

從來計出古人

下

退之詩之果別我
去計出柏馬下

塵埃好在三尺桐不疑萬世期子

野

白樂天詩家池動作經年別松竹禽魚好在無琴操

日琴長三尺六寸六分象三百六十六日左傳昭八

年

石言子晉魏榆晉候問于師曠對曰云云叔向日子

野

之言君子哉注云子野師曠字晉成公綏琴賦云伯

牙

彈而駟馬仰秣子

野

揮而玄鶴翔鳴

明經使者著書即風雨乘駟忘風

夜

左傳昭五年楚子以駟至于羅汭注駟傳也

回車過門問無恙

退之書云問無恙外

不暇出一言

何意深巷勤長者

陳平傳家乃負郭窮巷以席為門然門外多長者車轍

聖師之後盖多賢

左傳昭七年吾聞將有達者曰孔丘聖人之後也又云聖人有明德者若

不當世其後必有

達人其在孔丘乎

領畧世故有餘暇

選詩領畧歸一又云世故尚未夷

白而長身雖不見好古發憤尚類也

韓文孔戣墓誌曰孔世三十八吾見

其孫白而長身寡笑與言其尚類也論語子曰述而不
作信而好古竊比於我老彭萊公問孔子於子路子路
不對子曰女奚不曰其為人也發憤忘食樂以忘憂東
坡和孔君亮詩固知嚴勝風流在又在長身十世孫孔
幾字君嚴孔戡字君自然身如警露鶴周處風土記白
鶴性警至八月
勝今君亮四十八世
露降于草木滴滴有聲則鳴駱賓王登王司馬樓宴序
鶴鳴在陰上中天而警露李義山詩鶴應聞露警蜂亦
為花
忙
每先鳴雞整初駕晉書趙至傳雞鳴戒旦則飄
爾晨征又選詩整駕肅時命北

行河決所至郡

此詩先言明經使者又言北行河決盖
比之漢平當也平當傳云以明經為博

士又云以明經禹貢
使行河行下更反

肅肅王命哀鰥寡

詩肅肅王命仲
山甫將之又曰

不侮
鰥寡力排滹沱避城郭

後漢王霸傳光武南馳至下曲
陽傳聞王郎兵在後及至滹沱

河令霸往視之霸說曰水堅可渡下曲陽漢屬
鉅鹿郡今入祁州鼓城縣滹沱所在于此可見
深澤疲

民且田舍賈生三策藏胷中

漢溝洫志賈讓奏言
治河有上中下策

羿矢

百中不虛捨

羿射官也南宮适云羿善射孟子云逢蒙
學射于羿此堯以前羿也寒泥虞羿于田

殺而烹之此有窮后羿也詩云舍矢如破周
紀養由基去柳葉百步而射之百發而百中行歸定拜

關內侯但賜黃金恐非價

平當傳又云至丞相以冬月
賜爵關內侯注云以冬月非

封候時且先賜爵也非價謂功
大賞輕如市物之不當價也

次韻孔四著作作北行滹沱

駝褐蒙風霜

歐陽文忠詩輕寒漠漠侵駝褐左
傳范宣子曰蒙荆棘注蒙冒也

雞聲眇

墟里

淵明詩曖曖遠人村依依墟里煙

青燈進豆粥

後漢馮異傳光武自薊東南馳時天

寒異上豆粥因復渡溱洧李商隱詩語罷休邊角青燈雨鬢絲

落月踏冰水平生不龜

藥纔可衛十指持比千戶封誰能優劣此

莊子逍遙篇宋人有善為

不龜手之藥者世也以泝澠統為事客聞之買其方百金以說吳王吳王使之將冬與越人水戰大敗越人裂地而封之能不龜手一也或以封或不免于泝澠統則所用之異也

和陳君儀讀太真外傳五首

朝廷無事君臣樂花柳多情殿閣春

柳公權聯句薰風自南來殿閣生微

涼不覺胡雛心暗動

一作付與山河買忠義李白猛虎行胡雛綠眼吹玉笛

綺羅

翻作墜樓人

外傳云初祿山于上前應對雜以諧謔而妃常在生祿山心動及聞馬嵬之死數日

歎惋晉石崇傳崇有妓綠珠孫秀求之不與秀勸趙王倫誅崇介士到門綠珠自投于樓下而死杜牧之詩可

憐金谷墜樓人

扶風喬木夏陰合斜谷鈴聲秋夜深

外傳云上至斜谷霖雨涉旬棧道而

中間鈴因採其聲為雨霖鈴曲攷之史及諸書明皇自陳倉入散關出河池初不由斜谷今梓潼有上亭驛古今詩刻皆以為明皇聞鈴之地當不妄也人到愁來無處會不關情處總傷

心太白詩何許最關情

梁州一曲當時事

當時事一作開元夢按開元傳信記西涼州獻新曲曰涼州寧王聞之以

為恐有播越之禍樂府詩集涼州
歌序亦稱涼州曲云云初無區別
記得曾拈玉笛吹傳

云妃子竊寧王玉笛吹故張祜詩云
金與遠幸無人見偷把寧王小管吹
端正樓空春晝永

小桃猶學淡燕支
華清宮有端正樓貴妃梳洗
之所杜詩林花著雨燕脂落

高麗條脫珣紅玉
條脫釧也高麗所貴真誥萼綠華降
半權家遺以金條脫一李義山詩半

權雖得金條脫溫
嶠終虛玉鏡臺
邏迤琵琶撚綠絲
一作一雙條脫玻

璽絲妃子琵琶邏迤檀也寺人白秀真使蜀還獻木潤
如玉光可鑒有金縷紅文威成雙鳳絃乃末訶彌羅國

所貢綠水
蛛網屋煤昏故物
作脂澤歎
此生惟有夢來

時

上皇曾御昭儀傳鏡裏觀形只眼前

上覽漢成帝內傳見飛燕身輕欲不

勝風帝為製七寶避風臺上曰爾則任吹多少妃曰霓裳一曲可掩千古杜詩聽說開元事分明在目前退之詩聽說兩京事分明皆眼前

養得祿兒傾四海

祿山恩遇最深上及貴妃皆呼以為兒

千秋更有一伶玄

趙飛燕外傳漢江東尉伶玄所撰也伶自叙云伶玄字子于歷刺守州郡

為淮南相哀帝時老休買妾樊通德有才色知書能言飛燕姊弟事通德曰斯人俱灰滅矣當時疲精力馳騁盡惑寧知終歸荒田野草乎通德顧視燭影以手擁髻悽然泣下于是撰趙后別傳詩意謂以古為鑒興壞在日前而明皇不之戒為可歎也

讀曹公傳

并序

曹公自以勲高宰衡文對西伯

漢禮樂志及王莽為宰衡欲耀

衆庶西伯謂周文王也

蟬蛻揖讓之中

史記屈原傳蟬蛻于濁穢

而用

漢室于家巷

離騷經云五子用失乎家巷後漢延篤傳篤以病免歸教授家巷

更黨錮之災義士忠臣耘除畧盡獻靈之間北

面朝者拱而觀變漢魏何擇焉彼見宗廟社稷

之無與也執太阿而用其穎

梅福傳倒持太阿授楚其柄

以

司一世之命左右無不得意引後宮于鈇鉞如

刈蒲茅

後漢獻帝伏皇后紀政在曹操操求董貴人殺之帝以貴人有姓累為請不得

后懷懼與父書言操殘逼狀令密圖之事露曹
逼帝廢后令華歆勒兵入宮收后后閉戶藏壁
中歆就牽后出時帝在後殿后被髮徒跣行泣
過訣曰不能復相活耶帝曰我亦不知命在何
時遂將后下
暴室以憂崩 夫匹婦婢使罪家人猶為謝過之

而親北面受命之君自以為未知死所嗚呼

憐王其誰曰過言

戰國策楚語云或說春申君曰孫子天下賢人也君何辭

之春申君于是使人請孫子于趙孫子為書謝
曰癰人憐王此不恭之語也雖然不可不審察
也此為劫殺死亡之主言也夫人主年少而矜
材無法術以知姦則大臣主斷楚王子圍以冠
纓絞王殺之因自立也齊崔杼攻莊公射中其
股遂殺之近代李兌用趙餓主父子沙邱淖齒

用齊摧閔王之筋縣于其廟梁夫癘雖癘腫胞
疾上比前世未至絞鐔射股下比近代未至摧
筋而鐵死也由此觀之癘雖憐王
可也注云續韓非子諺曰癘憐王 雖然終已恭

讓腹毒而色取仁任丕以易漢姓者何也漢之
末造雖得罪于社稷骨鯁之臣而猶不得罪于
民故猶相與愛其名耳余聞曰道揆以上惠不
足而明有右不在社稷而數有功梁盛殆其不
繼哉感之作曹公詩一章

南征北伐報功頻劉氏親為魏國賓

書微子篇作
賓于王家

畢竟

以丕成霸業豈能于漢作純臣

獻帝紀建安二十五年正月庚子魏王曹操薨

三月改元延康冬十月乙卯皇帝遜位魏王丕稱天子奉帝為山陽公奏事不稱臣左傳君子曰頽考叔純孝

也注曰純猶篤也傳又云君子曰石碯純臣也兩都秋色皆喬木二祖恩波在

細民

班固兩都賦序曰有西都賓問東都主人云云孟子曰所謂故國者非謂有喬木之謂也二祖謂高

祖世祖杜詩莫怪恩波隔又云恩波錦帕舒駕馭英雄雖有術杜詩君王自神武駕馭必

英雄又云君王無所惜駕馭英雄材力扶宗社可無人

雜詩

古風蕭索不言歸貧賤交情富貴非

下邳翟公為廷尉賓客填門及廢門

外可設爵羅後復為廷尉客欲往翟公大書其門曰一
死一生乃知交情一貧一富乃知交態一貴一賤交情
乃見見鄭世祖本無天下量子陵何慕釣魚磯後漢嚴
當時傳後世光傳光字子陵與光武同遊學及光武即位變姓名隱身不見
帝令以物色求之後齊國上言有一男子披羊裘釣澤
中帝疑其光乃備安車聘之三反而後至竟不屈子陵
高抗皆世祖之量有以容之也若世祖有貧富交情之
異則嚴光豈慕此哉
此語必有為而發

衛南

衛南屬澶州
與北京為鄰

今年畚鍤春耕折葦枯荷繞壞城

杜詩菱荷枯折隨風
濤陸龜蒙鷓鴣

詩不似間

樓折葦秋白鳥自多人自少

嘗聞東坡知登州有一主簿
白事不已公頗倦漫云

晚可見過主簿不淵其意至晚獨入公強出見之因閱
杜詩問云江湖多白鳥天地足青蠅白鳥鷗鷺之屬耶
主簿曰白鳥乃蚊蚋以況臧吏江湖之間距朝廷遠多
臧吏耳天地之間君子少而小人多公即改觀厚待之
夏小正曰八月丹鳥羞白鳥說曰丹鳥謂丹良也白鳥
謂閭蚋也閭音文又金樓子云白鳥蚊也齊桓公臥栢
寢謂仲父曰一物失所寡人悵悵今白鳥營營是
必飢耳人少字用杜詩蕭條四海內人少豺虎多汚泥
終濁水終清杜詩濁河終不污清濟退之詩清溝映污渠沙場旗鼓千人集

漁戶風煙一笛橫惟有鳴鷗古祠柏對人猶是向時情

酒

江形圓似阮家盆

世說阮仲容至宗人同共集以大盆盛酒山勢岑如北海

樽

孔融傳樽中酒不空

戶有浮蛆春盎盎

周禮五齊三曰盎齊山谷嘗有玉醴頌醞玉醴

撥浮蛆春盎盎想可與

雙松一路醉鄉門

唐王績有醉鄉記楞嚴經頌云十方薄伽梵一

路涅槃門

次韻答柳通叟問舍求田之詩

少日心期轉謬悠

文選任彦昇詩中道遇心期莊子末篇以謬悠之說荒唐之言

蛾眉

見妬且障羞

離騷經衆女嫉余之蛾眉兮謠諑謂余以善淫李白詩由來紫宮女共妬青蛾眉南

史劉穆之曾孫祥齊建元中為正員郎司徒褚彦回入朝以腰扇障面祥從側過曰作如此舉止羞見人面扇障何益玉臺新詠云舉扇且障羞李義山

美人賦枕有光而照淚屏無影而障羞

但令有婦如

康子

列女傳魯黔婁先生之妻先生死曾子往弔之曰何以為諡其妻曰以康為諡曾子曰先生食不充

口衣不蓋體何樂于此而諡為康乎妻曰昔君嘗欲以

為國相辭而不為是有餘貴也君嘗賜之粟三十鍾辭而不受是有餘富也甘天下之淡味安天下之卑位求

安用生兒似仲謀

吳志孫權字仲謀曹公歎曰生子當如孫仲謀劉景升兒子若狔犬耳

橫笛牛羊歸晚徑

杜詩牛羊歸徑險鳥雀聚枝深

卷簾瓜芋熟西疇

蜀都

賦云瓜疇芋區歸去來辭云將有事于西疇

功名可致猶回首何況功名不

可求

書扇

魯公筆法屋漏雨未減右軍雖畫沙可惜團團新月面

故教零亂黑雲遮

法書苑云顏魯公與懷素學草書于鄆兵曹或問曰張長史見公孫大娘

舞劍得低昂回翔之狀兵曹有之乎懷素以古釵腳為對魯公曰何如屋漏痕懷素曰老賊得之矣書訣墨數載顏魯公記張長史筆法云長史曰聞于褚河南云用筆當如印印泥雖畫沙初不言出于王右軍也當考

次韻答叔原會寂照房呈稚川

按山谷石刻次韻王稚川客舍題云

王欲稚川元豐初調官京師前後集數篇皆同時作時山谷入京改官蓋元豐庚申歲

客愁非一種歷亂如蜜房

杜詩天寒割蜜房

食甘念慈母衣綻

懷孟光

內則曰衣裳綻裂紉箴請補綴孟光乃後漢梁鴻妻

我家猶北門

時解北京教授

至京師其家猶在北京母夫人無恙
初在北京喪偶殯于北京者十一年
王子渺湖湘寄書

無鴈來衰草漫寒塘故人哀王孫
食見韓信傳交味耐

久長唐魏玄同與裴炎締交
能保始終耐久朋置酒相暖熱
倚曲猶得半

年佯煖熱王荆公次程公闕韻云清
月若觀蘭亭月暖熱應忘蕙恨秋
愜于冬飲湯孟子云公

都子曰冬日則飲水
湯夏日則飲水
吾儕癡絕處不減顧長康
絕見前注

得間枯木坐長沙石霜山釋慶諸衆議延請諸聞之更
入深山無人之下長坐不卧屹若枯株天

下謂之石霜枯木
見僧北山寶傳
冷日下牛羊
詩云日之夕坐有稻田

衲北山錄曰稻畦為衣陶土為器稻畦袈裟也陶土瓦鉢也僧道學妙高堂詩何時捲此稻畦衲慰我彌年

歸意
勤

頗薰知見香

釋氏書有解脫知見香

勝談初疊疊

晉阮脩傳王衍談易

有所未了敦曰阮宣子可與言衍曰未知其疊疊之處定何如耳又謝安傳安弱冠詣王濛清言良久既去濛

子脩曰向客何如大人濛

脩綆汲銀牀

用退之汲古得脩綆之意古詩

曰此客疊疊為來逼人

後園鑿井銀作牀金餅素經汲寒漿杜詩露井凍銀牀太白詩梧桐落金井一葉飛銀牀

聲名九鼎

重

見前

冠蓋萬夫望

易繫辭君子知微知彰知柔知剛萬夫之望漢文詔使者冠蓋相望

韓詩冠蓋相

老禪不掛眼

退之詩餘事不掛眼

看蝸書屋梁

酉陽雜俎

云睿宗為冀王時寢齋壁上蝸跡成天字上遽掃之經數日如初及即位鑄金為蝸分寘道釋像前杜詩鳥喙

催寒木蝸

韻與境俱勝

文選頭陀寺碑道勝之韻虛往實歸

意將言兩忘

易繫辭子曰書不盡言言不盡
意莊子云不若兩忘而化其道
出門事袞袞斗柄莫昂

昂月色麗雙闕

三輔黃圖古歌詞云
長安城西有雙闕

雪雲浮建章

文選
謝朓

詩金波麗鵲鵲
玉繩低建章

苦寒無處避惟欲酒中藏

李白詩青蓮
居士謫仙人

酒肆藏名
三十春

同王稚川晏叔原飯寂照房得房字

高人住寶坊

杜詩虛白高人靜華嚴論
云安立寶坊集詩人天

重客款齋房

漢

帝紀豪傑聞令有重客又禮樂志有齋房之
歌元封二年芝生甘泉齋房作此借用其字

市聲猶在

耳

左傳言
猶在耳

靜虛生白光

莊子虛
室生白

幽子遺淡墨

退之別趙
子詩海中

諸山中幽
子頗不無

窻間見瀟湘薰葭落鳬鴈

詩薰葭
蒼蒼

秋色媚橫

塘博山沈水煙淡與人意長

西京雜記有五層金博山
爐古詩云博山爐中百和

香

自攜鷹爪芽來試魚眼湯

鷹爪魚眼
見前注

寒浴得溫溜

則內

曰外內不共井不共溜浴
釋音彼力切注溜浴堂也

體淨心凱康

宋玉神女賦心
凱康以樂歡爾

雅釋詁云
愜康樂也

盤餐取近市

杜詩盤餐市
遠無魚味

厭飫謝羶羊

莊子
羊肉

不慕蟻蟻慕羊
肉羊肉羶也

裂餅羞豚膾

晉何曾蒸餅上不裂作十
字則不食老杜詩浮瓜供

老病裂餅
常所愛

包魚芰荷香平生所懷人

詩卷耳嗟我懷
人真彼周行

忽

言共榻牀常恐風雨散

白樂天詩風雨或消散江山渺
回旋劉禹錫詩故人雲雨散滿

目山 川多 千里鬱相望 斯游豈易得 淵對妙濠梁 莊子與惠子游于濠

梁之上詳 見前注 雅雅王稚川 晉劉惔傳洛中雅雅有三瑕 易親復難忘 古樂

府君家甚易知 易知後難忘 晏子與人交 論語晏平仲善與人交 風義盛激昂

兩公盛才力 宮錦麗文章 鄙夫得秀句 杜詩最傳秀句寒區滿 成

誦更懷藏 文選楊脩答曹植箋云有所造作若成誦在心餘見前注

次韻叔原會寂照房得照字

風雨思齊詩 齊國風風雨思君子也亂世則思君子不改其度焉風雨淒淒雞鳴喈喈 草木

怨楚調 宋玉悲秋詞草木搖落而色衰淵明有怨詩楚調一篇 本無心擊排 賈誼疏云

屠牛坦一朝解十二牛而芒刃不
頓者所排擊剝割皆衆理解也
勝日用歌嘯勝日見前注

僧窻茶煙底

杜牧詩今日鬢絲禪榻畔茶煙輕颺落花風

清絕對二妙

晉衛瓘傳

一臺二妙南史伏曼容與袁粲時論以爲一臺二妙以此叔原雅川

俱含萬里情

杜詩中原有兄

弟萬里正含情

雪梅開嶺徼

謂大庾嶺我慙風味淺砌莎慕松

薦

詩類弁云薦與女蘿施于松柏

中朝盛人物

退之詩云國朝盛文章

誰與開顏

笑二公老諳事

退之詩朝中大官老于事

似解寂寞釣

退之答崔立之書耕于寬

間之野釣于寂寞之濱

對之空歎嗟樓閣重晚照

杜詩上方重閣晚百里見秋毫

又云連山晚照紅

次韻稚川得寂字

平生萬里興，斂退著寸尺。

退之詩：斂退就新，儒趨營，悼前猛。

向來類竊

鉢

列子曰：人有亡鉢者，意其鄰之子視其行步竊鉢也。顏色竊鉢也，言語竊鉢也，動作態度無為而不竊鉢也。

俄而相其谷而得其鉢，他日復見其鄰人之子動作態度無似竊鉢也。鉢音斧。

少日已爭席

見前注

曩過招提飯

老杜遊奉先寺詩：已從招提遊，更宿招提境。按僧輝記云：招提者，梵言拓

闢，提奢唐言四方僧物，後人傳寫之誤，以拓為招。又省去闕奢二字，止稱招提，則今十方住持寺院也。涅槃經

云：造僧招提，恆當易為適。

杜詩：恆當久忘筌，蓋用淵明詩：人亦有言，稱心易足也。又

云：稱心固為好。

食鮭如舉士

食鮭見前注

名下無遺索

僧繇畫曰：名

下定無談餘天雨花楞嚴經云即時天雨百寶蓮花間錯紛糝茶罷風生腋

盧仝謝孟諫議寄新茶詩云七椀喫不得也惟覺兩腋習習清風生誰言塵土中有此坐

上客呂布顧謂劉備曰玄德卿為坐上客謝安傳安既出桓溫問左右頗嘗見我有此客否言前

傾許可後漢宣秉等傳語曰同言而信則信在言前稽康與山巨源書曰足下旁觀多可注多可言多

可也有許曾次開塢塞退之南山詩塢塞生恟愁同是蠹魚癡退之詩豈殊蠹書蟲

生死文字間癡謂書癡還歸理編冊長安千門雪借長安以見汴京可見此四詩

自北京解官至京師作蟹黃熊有白更約載酒行無為守岑寂

都下喜見八叔父八叔父諱廉字夷仲為集賢校理判尚書刑部元豐三年除河

東提刑正山谷入京之時詩中有一別七冬夏之句當是熙寧間山谷在北京時夷仲體量河北東路災傷經由相見今七年矣夷仲終于給事中相見盖元豐庚申也

一別七冬夏

山谷官北京留守文潞公留再任遂跨七年故前詩云我坐廣文舍七年讀書燈又

云七年身屢到鬱鬱蔭簷瓦杜詩云一別五秋螢

幾書通置郵

孟子德之流行速于置郵而傳

命冥鴻難借問江鯉多沉浮

用蘇武傳上林射鴈得鴈足繫帛書事及古樂府呼

童烹鯉魚中有尺素書兼用晉殷羨事所致書皆投水中曰沉者自沉浮者自浮殷洪喬不作致書郵杜詩耳從投轄飲肯心因夢相去迹為山川留叔趨丹鳳關身作置書郵

向臥龍洲

詩意謂叔先入京而身往南陽已乃會都下也關中記云建章宮圓闕臨北道鳳在上故

曰厚關也以龍洲
在南陽見前注

邂逅入關馬

詩邂逅相遇

同時解轡歎工

記必繼其牛後注關東
謂紂為繼繼亦作歎

別後事萬端

後漢吳漢傳帝責漢曰比敕公千條

萬向來身百憂

詩逢此百憂

咨嗟舊田園

歸去來辭田園將蕪

慟哭新

松楸

退之詩畢命依松楸

稍詢耆舊間大半歸山丘

秦收大半之賦

小兒

攜婦子

詩同我婦子

襁褓皆裹頭

漢衛青傳臣子在襁褓中杜詩去時里正與裹頭

青燈照逆旅

左傳令寵為不道保于逆旅

呼酒濯亂愁破啼為笑語

文選劉越石答盧湛詩并序曰相與舉觴對膝破啼為笑李白送姪序申悲道舊破涕為笑

霜夜盡

更籌

杜詩城暗更籌急

歲寒叔舊節况又高春秋

漢蒯武傳陞下春秋高

老松心梗槩

張平子東京賦
粗為言其梗概

綠竹氣和柔

霍去病傳去
病以和柔自

媚子上張釋之
傳馬賴和柔

言如不出口體若不勝表

檀弓云趙文
子其中退然

如不勝衣其言訥訥
然如不出諸其口

德音潤九里

河潤九里本出莊子
後漢郭伋傳帝勞之

曰河潤九里冀
京師并蒙福也

政事無全牛

莊子云庖丁為文惠君解
牛文惠君曰技蓋至此乎

庖丁曰始臣之解牛之時所見無非
全牛者三年之後未嘗見全牛也

詩成戲筆黑清甚

韋蘇州

唐韋應物為蘇
州刺史有詩集

篆籀有志氣當于古人求

漢藝
文志

史籀十五篇注云周宣王太史作大篆十五篇晉
王戎傳當從古人中求耳杜詩似君須向古人求

自悲

聞道晚涉世如虛舟雖無觸物意儻亦遭罵詈

莊子云
方舟而

濟于河有虛船來觸舟雖有扁
心之人不怒孟子衆楚人咻之
稍窺性命學未窮言行

尤論語言寡行寡悔息心待自信渺如大河流隄防小不密一

決敗數州此言防心之難也傳燈錄有安得心服禮左

僖三十三年服于有禮社稷之衛也僧亡名不見為瘡疣退之隨事荆雞變化材

鵠卵滯陰幽莊子曰奔蜂不能化藿蠋越雞不願因啄

抱力浩蕩碧雲遊退之詩鵠翎不天生變化在啄抱

次韻叔父夷仲送夏君玉赴零陵主簿

田竇堂上酒未醉已變態太白詩田竇相傾奪竇客互

傳子虛賦覽將帥之變態

何如東陵瓜子母相鈎帶

阮嗣

又云彈覬衆物之變態

宗詩已

富貴席未煖

班固賓戲孔席不煖

珠玉作灾怪

孟子實珠王者殃必

及身文選阮嗣宗

茅茨雖長貧終有懿親在

左傳封建親戚以藩

屏周不廢

丈人困州縣短髮餘會撮

莊子曰支離疏者願隱于齊肩高于

頂會撮指天會古外反撮于

居然枳棘棲

後漢仇覽傳一名香考城

令王渙署為主簿謝遣

坐閱歲月代青雲已迷津

太白詩迷

津覺路失託勢隨風翻又贈友

濁酒未割愛

杜詩割愛酒如溫自

人詩斯人無良朋豈有青雲望

愛消渴止乏簿領能無休

退之云呼奴具盤餐飮餌魚菜

贈

羈旅苦地偏

淵明詩心遠地自偏

江湖見天大萬里一帆檣長

風可倚賴

樂府詩云象牙作帆檣南史宗慤云願乘長風破萬里浪

因行訪幽禪頭

陀煙雨外

文選頭陀寺碑文注斗擻煩惱故曰頭陀李白詩頭陀雲外多僧氣王立之詩話云山谷

有送零陵主夏君玉詩末云因行訪幽禪頭陀煙雨外蓋君玉頭甚大故以此戲之梵語頭陀此言斗擻斗

擻煩惱也

病起次韻和稚川進叔倡酬之什

池塘夜雨聽鳴蛙老境侵尋

見前注

每憶家白髮生來驚

客髮黃梁炊熟又春華

見前注

百年不負膠投漆

後漢陳重雷義

同郡為友鄉里為之語曰膠漆自謂堅不如陳與
雷白樂天詩百年膠漆初心在萬里煙霄中路分
萬事

相依葛與瓜

見前注

勝日主人始有酒猶堪扶病見鶯花

杜詩鶯花圍世界盧全詩鶯花爛漫君不來

稚川約晚過進叔次前韻贈稚川并呈進叔

人騎一馬鈍如蛙

晉祖納傳幽冀之士鈍如椎

行向城東小隱家

文選

王康琚詩小隱隱陵藪大隱隱朝市李白詩小隱慕安石遠遊學子平

道上風埃迷皂白

皂白見前注

堂前水竹湛清華

文選謝叔源詩水木湛清華

春歸河曲定

寒食公到江南應削瓜

禮記為天子削瓜者副之

樽酒光陰俱可惜

端須連夜發園花

明朝遊後苑火急報春知花須連夜發莫待曉風吹武后語也見唐人小

說

汴岸置酒贈黃十七

與後篇晚放汴舟同時作黃名幾復

吾宗端居叢百憂長歌勸之肯出遊

一作百丈暮捲簾人休侵星爭前猶

幾舟黃流不解浣明月

孟郊寓言誰言濁路泥不汙明月色

碧樹為我生涼

秋

杜詩寒蟬碧樹秋

初平羣羊置莫問叔度千頃醉即休

一作詩吟

吾黨夜來作酒買田翁社後簞葛洪神仙傳云皇初平年十五家使牧羊有道士將至金華山四十餘年其兄初起求得之問羊何在初平言叱叱羊起于是白石皆起成羊數萬頭後漢黃憲字叔度郭林宗曰叔度汪汪

若千頃波皇初平亦作黃山谷多用此事按楊文公談
苑金華山乃皇初平化石之地有石如羊形者人爭求
以為玩好有內侍掌市征于發州輒已俸募人求得耳
角尾足皆具如真羊者數枚歸闕獻之太祖曰此墓田
中物也杖其內侍神仙之說固多渺茫
而皇初平事信而有證此其彰彰者也
誰倚枕樓吹玉

笛

用晉王廙枕樓長
嘯事玉笛見前注

斗杓寒挂屋山頭

屋山見前注又
王荆公詩落水

回飈動屋山王立之詩話山谷謂洪龜父云甥愛老舅
何等篇龜父舉蜂房各開戶牖蟻穴或夢封侯王及其
黃流不解浣明月碧樹為我生
涼秋涿類老杜山谷云得之矣

山谷外集詩注卷七

欽定四庫全書

山谷外集詩注卷八

宋 黃庭堅 撰

史 容 注

曉放汴舟

山谷罷北京教授入京改京官得知吉州太和縣其秋自汴京歸江南寔元豐

三 年

秋聲滿山河行李在梁宋

梁即汴京宋即南京

川塗事鷄鳴

淵明詩目

倦川塗異心念山澤居文選謝靈運詩豈伊川塗路
注云周禮兩山之間必有川焉大川之間必有塗焉身

亦逐羣動

淵明詩云日入羣動息歸鳥趨林鳴李白詩滅見羣動息

霜清魚下流橘

柚入包貢

禹貢揚州厥包橘柚錫貢

又持三十口去作江南夢

杜詩兩京

三十口雖在命如絲

次盱眙同前韻

盱眙泗州所治縣也紹興十四年升盱眙為軍以天長招信屬焉

去此二十年持家西過宋起予者白鷗

論語起予者商也

歸興

岌飛動宮殿明寶坊

華嚴合論云安立寶坊集諸天人

山川開禹貢破

浪一帆風更占夢中夢

南史宗慤傳願乘長風破萬里浪莊子齊物篇方其夢也不知

其夢也夢之中又占夢焉

外舅孫莘老守蘇州留詩斗野亭庚申十月庭堅

和庚申元豐三年也

謝公所築埭未歎曲池平

晉謝安傳至新城築埭于城北後人追思之名為召伯埭

在今揚州廣陵縣雍門周以琴見孟嘗君曰君百歲之後高臺既已傾曲池又已平文選沈休文詩貴賤猶如此況乃蘇州來賦詩句與秋氣清僧構擅空闊浮光飛曲池平

棟薨

杜詩江閣浮高棟

維斗天司南

莊子維斗得之終古不忒漢天文志斗為帝車古有

司南車也

其下百瀆傾貝宮產明月含澤遍諸生槃礴淮海

間

解衣槃礴見莊子

風烟侵十城

屈原九歌云紫貝闕兮珠宮明月謂明月之珠也沈存中

筆談云嘉祐中揚州有一珠甚大天晦多見初出于天
長縣波澤中後轉入甌社湖後又在新開湖中九十餘
年常常見之又文昌雜錄云孫莘老莊居在高郵新開
湖邊一夕莊客報湖中珠見因至水際光明如月忽見
蚌蛤如蘆席大一殼浮水上一殼如張帆狀其疾如風
飛小艇逐之不可及今以珠比華老也元祐三年莘老
丐祠得請山谷贈詩亦以珠為喻云
甌社湖中有明月淮南草木借光輝
籟簫吹木末通典樂門

凡簫一名籟杜
詩我僕猶木末

浪波沸庖烹

退之詩還家救妻兒具此煎庖烹此摘其字

我

來杪捭落霜清見魚行白鷗遠飛來得我若眼明

杜詩二月

六夜春水生門前小灘渾欲平鷗鷺鵝
鷺鷥莫漫喜吾與汝曹俱眼明

佳人歸何時解衣繞

廂榮

上林賦偃佺之倫暴于南榮注云屋南檐也集韻云屋栒之兩頭起者為榮佳人謂莘老也莘老在

熙豐間以言事屢黜自蘇州徙福州徐州
時猶未召還也歸何時者望其歸故里也

十月十三日泊舟白沙江口

元注云真州唐永正縣之白沙鎮也

岸江倚帆檣

見前注

已專北風權飛霜挾月下

西京雜記淮南王著

鴻烈自云字中皆挾風霜

百箬直如弦

後漢末誰言云直如弦死道邊摘其字以言引竹索攬船

如弦直退之聯句云浮橋交萬竿

綠水去清夜黃蘆摧白烟篙人持更

拆

易重門擊拆

相語聞並船平生濯纓心

滄浪之水清兮可以濯我纓滄浪之

水濁兮可以濯我足見于孟子離婁篇又見于文選屈原所作漁父篇

鷗鳥共忘年

言與鷗鳥

為忘年之友也南史江總傳張纘等雅相推重為忘年交

風吹落塵網歲星奔回旋

歲星十二 險難自得

左傳晉文公險阻難其備嘗之矣此其所以霸也故云得力

孟子所謂生于憂患死于安樂也

細故可棄捐

漢文帝與匈奴書朕與單于皆捐細故俱蹈大

道 至今夢洵洵呼禹濟廣川

元注云河出崑崙墟色白所渠并千七百一川色黃

見爾雅釋水

發白沙口次長蘆

篙師救首尾

孫子善用兵者如常山之蛇擊其首則尾至擊其尾則首至擊其中則首尾俱至

我為制中權

左傳宣十二年中權後勁

挂席滿風力

杜詩挂席窮海島

如摧

強弩絃曉放白沙口長蘆見炊烟一葉託秋雨滄江石

尺船反觀世風波誰家保長年

杜詩冉冉征塗問誰是長年者

念昔聲

利區

鮑明遠詩三川養聲利

與世闕周旋大道甚閒暇

老子云大道甚夷而

民好徑

百物不廢捐

易繫辭下云其道甚大百物不廢懼以終始其要无咎此之謂易之道也

誰知目力淨改觀舊山川

維摩經目淨修廣如青蓮孟郊詩親實改舊觀

阻風入長蘆寺

長蘆寺屬真州

福公開百室

周頌公以開百室按續燈錄真州長蘆崇福禪院祖印禪師諱智福江州人四處住

持勝緣畢集三百年間衆盈五百

不借鄰國權法筵森龍象

傳燈錄達磨傳云波

羅提法中龍象智度論曰龍象言力大龍水中行力大象陸中行力大負荷大法者比之龍象

天樂下

管絃

老杜道林嶽麓二寺詩云六時天樂朝香烟

我來雨花地

楞嚴經云即時天雨百寶

蓮花青黃赤白間錯紛糝李白詩漫漫雨花落嘈嘈天樂鳴

依舊薰爐烟金碧動江

水

子虛賦其土則錫碧金銀注云碧謂五之青白色者也杜詩云潤聚金碧氣蜀都賦連珠玉碧之岩鐘

魚到客船茗椀洗昏著

退之詩茗椀纖纖捧

經行數徂年歲寒風

落山故鄉喜言旋

左傳昭元年風落山謂之蠱小雅黃鳥云言旋言歸

林回負赤

子白璧乃可捐

見前注

侍親如履冰

意取孝經第三章云如臨深淵如履薄冰

風雨淥暗川

次韻伯氏長蘆寺下

風從落帆休天與大江平僧房畫亦靜鐘磬寒逾清淹

留屬暇日植杖數連薨

歸去來詞云或植杖而耘籽字本出論語

頗與幽子逢

退之詩幽子頗不無

煮茗當酒傾

杜詩每過得酒傾李白詩愁多酒雖少酒傾愁不來樂天

詩聊將茶代酒

攜手霜木末朱欄見潮生檣移永正縣

見泊舟白沙江

口題下柱

鳥度建康城薪者得樹雞

退之有答道士寄樹雞詩云軟濕青黃狀可猜

欲烹還喚木盤廻煩君自入華陽洞直割平龍左耳來東坡和陶詩黃菰養土羔老楮生樹雞未忍便烹煮繞

觀日羹孟味南京

退之初南食詩自宜味南京

香秔炊白玉

杜詩白玉定晨

炊退之聯句庖霜膾

飽飯愧閒行叢祠思歸樂吟弄夕

玄卿白玉炊香粳

山谷外集詩注

五

陽明思歸誠獨樂薇蕨漸春榮

漢陳勝傳注叢祠謂草木岑蔚者元稹謫江陵

有思歸樂詩云山中思歸樂盡作思歸鳴應緣此山路自古離人征云云白居易和云山中不棲鳥夜半聲嚶

嚶似道東歸樂行人掩泣聽陶岳零陵記云思歸樂狀如鳩而慘色三月則鳴其音云不如歸去

金陵

今建康府也治上元江寧二縣本楚邑楚威王以其地有王氣埋金以鎮之故曰金陵秦

改曰秣陵

吳改建康

豪士阻江海瓜分域中權

戰國策趙語云秦趙之弊而瓜分之唐書瓜分河北地鮑

照蕪城賦竟瓜剖而豆分注其土地如瓜之割肌老子域中有四大

真人開關梁曾不費

一弦

開寶七年十月詔曹彬潘美等伐江南所至剋捷十一月以龍船數千艘為浮梁自采石磯以濟大

軍八年十一月攻拔昇州
擒唐國主李煜江南平

六朝妙人物

吳都秣陵晉元帝渡江復都焉

宋齊梁陳皆因之

蔓草繁寒烟至今哀江南

後周書庾信有哀江南賦一首宋玉

招魂篇末云魂兮歸來哀江南庾信蓋取諸此

詠歌在漁船窮山虎豹穴磨衲

擁高年

謂法秀也按僧實傳秀在法雲寺神宗遣中使賜香並磨衲

青天行日月坐

看磨蟻旋

蘇子美詩卧看青天行白雲晉天竺志日月實東行而天牽之以西沒如蟻行磨石之上

磨左旋而蟻西行

身將時共晚道與世相捐

莊子繕性篇世喪道矣道喪世矣世與道

交相喪也

猶能攬壯觀

史記封禪書云皇皇哉斯事天下之壯觀

巨浸朝百川

元注

云時秀禪師在鍾山寺○秀乃圓通禪師法秀也呂汲公銘其塔云元豐二年王荆公居金陵以禮邀師居鍾

山之興國寺與國者公捐私財以治者也寺之事一聽于公而後行師至之日告于衆曰以財管寺則宜歸王氏以寺聽命則宜歸老僧一日公以所著佛書解義示師師曰文章之妙所不敢議然不可以智知殆非義學所能盡也公滋不悅師遂棄去按元豐二年歲己未而山谷此行蓋三年庚申歲時秀師正在金陵莊子大浸稽天而不溺元祐間和東坡送李方叔詩又用此語云君看巨浸朝百川

贈別李端叔

李之儀字端叔姑孰人舉進士元祐中為樞密院編修官東坡帥定武辟

置幕

下

我觀江南山如目不受垢憶食江南薇子獨與我厚在

北思江山如懷冰雪顏

杜詩試看他時冰雪容

千峯上雲雨

列子周穆

王篇化人之宮
出雲雨之上

岑絕何由攀當時喜文章各有兒子氣

漢高五王傳朱璽侯章嘗
入侍燕飲高后兒子畜之

爾來領鬚白有兒能拜起

史記

三王世家皇子顗天能勝衣趨拜
蜀志伊籍傳一拜一起未足為勞

讀書浩潮海解意開

春冰

老子云渙若冰將釋春秋序若江河之浸膏澤之潤渙然冰釋怡然理順

成山更崇崛

論語譬如為山未
成一簣止吾止也

顧我醜邱陵

醜類也

白玉著石中與物

本落落

老子不欲琭琭如玉落落如石

涇渭相將流世不名清濁

文選曹子

建詩山峯高無極涇渭揚濁清注
引毛萇詩云涇渭相入而清濁異

乞言既不易贈言良

獨難

晉桓伊傳為君既不易為臣良獨難

右來得道人掛舌屋壁間牧羊

金華道載酒太玄宅

兩事見前注

支頤聽晤語

陳國風云可與晤語傳燈

錄天台豐千禪師傳居國清寺厨中有二苦竹寒山拾得二人執爨終日晤語潛聽者都不解獨與師相親

願君喙三尺

見莊子

我行風雨夜船牕聞遠鷄故人不可

見故人心可知

李陵與蘇武書人之相知貴相知心

阻風銅陵

銅陵縣亦隸池州唐為銅官縣五代改銅陵

頓舟古銅官晝夜風雨黑洪波崩奔去天地無限隔

文選

魏都賦巖岡潭淵限壘隔夷

船人謹維竿

唐韻竿竹索也老杜拈舟渡詩駕竹為長橋連竿動

娜何暇思挂席

杜詩掛席上南斗

憑江裂嵌空

嵌口銜切太白詠山樽云擁腫

寒山木嵌
空成酒樽
中有暗水滴洞視不敢前
潭潭蛟龍宅

老杜
瞿塘

詩孫攫髯鬚古
蛟龍窟宅尊
網師登長鱸
賈我腥釜鬲

賈誼弔屈原
賦橫江潭之

鱸鯨史記蔡澤傳
遇奪釜鬲于塗
斑斑被文章突兀喙三尺

老杜畫鶴
行初驚無

拘孿何得立哭兀
喙三尺見前注
言語竟不通噉喙亦何益

吳郡賦云
噉喙浮沉

魁梧類長者
左太沖三都賦序風譴歌舞各附其俗魁梧長者莫非其舊魁梧奇偉見張良贊杜

詩泉出巨
魚長比人
卒以筌餌得
莊子得魚而忘筌注積柴水中使魚依而食一云魚笱莊子魚

鼈以江湖為淺而穴其
中卒所以得之者餌也
浮沉江湖中波友永相失有生

甚苦相細大更噉食
楞嚴經以人食羊羊死為人食人死生五來相噉
安

得無垢稱對榻忘語默

譯梵云維摩羅詰此云淨名又淨無垢稱按維摩經時維摩詰

默無言文殊師利歎曰善哉乃至無有文字語言是真入不二法門

阻水泊舟竹山下

竹山蟲鳥朋友語

朋友語如張衡山王傳乃昆弟語除前隙也

討論陰晴怕

風雨

論語世叔討論之

丁寧相教防禍機

杜詩便覺鶯語太丁寧禍機見前注草

動塵驚忽飛去

陸機豪士賦序風起塵合而禍至常酷

提壺歸去意甚真

提壺見前注

柳暗花濃亦半春北風幾日銅官縣欲過五松

無主人

五松山在銅陵西五里太白銅官山詩我愛銅官樂千年未擬還要須回袖舞拂盡五松山

池口風雨留三日

孤城三日風吹雨小市人家只菜蔬

杜詩小市常爭來孤城早閉門水

遠山長雙屬玉

上林賦鴻鵠鵠駕鵠屬玉注云屬玉似鴨而大長頸赤目蘇子美詩屬玉雙

飛水滿塘菰蒲深處浴鵝鵞

身閒心苦一春鋤

爾雅鷺春鋤皮日休詩數點春鋤烟雨微

翁從旁舍來收網

漢高紀高祖適從旁舍來

我適臨淵不羨魚

董仲舒策

臨淵羨魚不如退而結網

俛仰之間已陳迹

王逸少蘭亭禊飲序向之所欣俛仰之間已為

陳迹暮牕歸了讀殘書

貴池

貴池池州所治縣也元注云池人祀昭明為郭西九郎時新覆大舟水死者十二人以為

神之威也

橫雲初抹漆

盧仝月蝕詩云初既猶朦朧既久如抹漆歐陽文忠詩浮雲蔽天衆星沒舉首向空

如抹

漆爛漫南紀黑

詩酒酒江漢南國之紀老杜八哀詩相國生南紀

不見九華

峰如與親友隔

池州青陽縣有九華山太白改九子山為九華山聯句其序云青陽縣南有九

子山山高數十丈上有九峰按圖徵名無所依據予乃削其舊號加以九華之目

憶當秋景明

九老對几席何曾閉蓬牕臥聽寒雨滴不食貴池魚喜

尋昭明宅

寰宇記貴池在縣北七里按顧野王輿地志云梁昭明太子食此魚美遂立名焉筆

硯鼠行塵

世說晉簡文為撫軍時所坐牀上塵不聽拂見鼠行迹視以為佳

芝菌生銅

隔

釜隔見前注郭璞曰隅曲脚音歷詩意謂無祀賽也

思成佳句夢貽我錦數尺

用江淹夢

屬者浪吞舟

漢李尋傳屬者頗有變注云近時也莊子云吞舟之魚東坡詩

人索錦事

黑沙白浪

風電更附益

論語而附益之

老翁哭婦兒相將難再

得

白樂天詩有時還後到無處不相將漢外戚傳佳人難再得此摘其字

存亡如日月薄

蝕行道失

歷家之說謂日光以望時還奪月光故月食日月同會月掩日故曰食日以朔食月食以

望不爾謂之薄

流俗暗本源謂神吐其食

左傳僖五年若晉取虞而明德以薦馨香

神其吐之乎

神理儻有私邱禱久以默

見論語

大雷口阻風

同安志云大雷口屬舒州望江縣去縣三十里

號艚下滄江避風大雷口天與水糝糊

樂天詩平明山雪白糝糊杜詩

子章觸體血糝糊摘此二字

不復知地厚

荀子不臨深壑不知地之厚也杜詩坡陀因地厚

誰家上江船

杜詩百丈誰家上水船

狂追雪山走孤村無十室

杜詩

孤村春水住論語十室之邑

旅飯困三韭

南史庾杲之貧食惟有韭菹淪韭生韭見前注

黃蘆麋鹿場

幽風東山云町疇鹿場

此地廣千肘

傳燈錄尊者在世化導證果最

多每度一人以籌置于石室縱十八肘廣十二肘譯楚云二尺成一肘四肘成一弓

得禽多文章

當謂雉也

肯顧魚貫柳

見前注

莽蒼天物悲

莊子適莽蒼者三餐而反音義云莽

蒼皆平上二音

彫弓故在手鹿鳴猶念羣

小雅呦呦鹿鳴食野之萍注云鹿得萍呦

呦然鳴而相呼家語夫子云關雎興于鳥而君子美之取其雌雄之有別鹿鳴興于獸而君子大之取其得食

而相雉媒竟賣友文選潘安仁射雉賦序云習媒翳之事注曰媒者少養雉子至長狎人能

招引野雉也賣友見漢書酈商傳贊曰當孝文時天下以酈寄為賣友夫賣友者謂見利而忘義也若寄父為

功臣而又執刳雖推呂祿商人萬斛船掛席上牛斗挂以安社稷誼存君親可也

見前橫笛倚柁樓晉王廙傳柁樓長嘯神氣甚逸波深蒼龍吼失水不

能神楚辭神龍失水而陸居為螭蟻之所裁伐藪作城退之三星行嗟汝牛與斗汝獨不能神

守漢高祖紀閉城守注謂守其城也龍之自衛亦若守城焉欲寄大雷書鮑明遠文集

有登大雷岸與妹書即此地也太白秋浦寄內云結荷倦水宿卻寄大雷書往問長干婦古樂

府有長干曲李太白有四首其間云十四為君婦羞顏未嘗開文選吳都賦長干延屬注云江東謂岡間為干

池州隸

何當楫迎汝

玉臺新詠王獻之桃葉渡江不用楫但渡無所苦我

江東

自迎接汝一作楫迎汝

秦淮綠如酒

杜牧詩烟籠寒水月籠沙夜泊秦淮寄酒家劉禹錫詩淮

水東邊舊時月夜深還過女牆來此金陵五題也按寰宇記秦淮乃秦所鑿在丹陽湖姑孰之界西北流經建

康綿亘三百里左傳昭十

四年有酒如淮有肉如坻

庚寅乙未猶泊大雷口

按國史元豐三年十二月巳丑朔庚寅蓋初二日也

廣原皞終風

詩終風且霾

發怒土囊口

宋玉風賦盛怒于土囊之口

萬艘

萍無根

文選吳都賦渾萬艘而既同杜詩舟楫無根蒂

乃知積水厚

莊子逍遙篇水之積

也不厚則負
大舟也無力
龍鱗火熒熒

子虛賦照
爛龍鱗

鞭笞雷霆走

退之詩不

如散仙鞭笞鸞鳳終日相
追陪杜詩安得鞭雷公

公私連檣休森如束春韭

杜詩

夜雨剪
春韭

倚筇簹葭灣垂楊欲生肘

莊子至樂篇俄而柳生其左肘

雄文

酬江山惜無韓與柳

退之子厚

五言呻吟

杜詩作詩呻吟內墨淡字數傾

慚愧陶謝手

杜詩馬得思如陶謝手令渠述作與同遊

送菜煩鄰船

杜詩園官送菜

把買魚熟溪友

杜詩溪友得錢留白魚

兒童報晦冥正晝見箕斗

杜詩兒童報急流
豐之九三日中見斗

吾方廢書眠

史記樂毅贊未嘗不廢書而泣也杜詩老

因撥書眠
鼻鼾囊嚙

韓韋囊吹火步拜功亦作排魏志韓

之外集有嘲猶防盜窺家嚴鼓申夜守治城謝公墩寢

軒睡詩二首

記昇州江寧縣開皇移于治城唐武德移白下貞觀移

還

還治城六朝事迹謝安墩在半山報寧寺之後基址尚

存太白詩治城訪古跡猶存謝安墩介甫詩我名公字

偶然同我屋公墩在眼中公去我來墩屬我不應墩姓

尚隨公人言王介甫性好爭牛渚蕩子婦寢字記太平

退居與謝安爭墩見詩話牛渚蕩子婦州當塗縣有

牛渚山望夫山皆在縣北昔人住楚累歲不還其妻登

此山望夫乃化為石文選右詩昔為娼家女今為蕩子

婦蕩子遊不歸何時快登臨文選吳都賦篙工棹師杜

空牀難獨守何時快登臨篙師分牛酒文選吳都賦篙工棹師杜

詩稽留篙師怒後漢

耿弇傳擊牛釀酒

乙未移舟出口

元注云畏風濤復入遂宿焉同行

有劉三班善射沙夾遇盜劉手殺

三 人

江湖吞天胸

杜牧之詩大江吞天去一練橫坤抹今言江之吞天如人之胸量間也子虛賦吞若

雲夢者八九其于胸中曾不芥蒂吳都賦或吞江而納漢蛟龍垂涎口柳子厚嶺南

添象迹潭心日暖長龍涎歐陽公乞致仕表上賴至仁脫臣于鮫鰐垂涎之口養軀無千金沈約

離詩坐喪千金軀杜詩王孫善保千金軀特為親故厚自言此身不足惜而臨危憂恐為母在故

耳本心非華軒選詩金張服貂冕許史乘華軒而與馬爭走荀子云君子力如馬

而不與馬爭走司馬遷答任安書曰太史公牛馬走聘婦緝落毛昭明太子作淵明集序云或貨

海東之藥草或紡江南之落毛蓋用列女傳楚老萊妻曰鳥獸之解毛可緝而衣之其遺粒可拾也庾信詩曰

蒙吏觀秋水

教兒耨葱韭

莊子徐無鬼篇

衣食端須幾

菜妻緝落毛

淵明詩衣將老猶掣肘

家語宓子賤為單父宰辭行請君之近史二人與之俱至官令

食常須幾

二史書輒掣其肘書不善則怒之二史辭歸魯報于君

君太息曰寡人亂宓子之政而責其善者數矣遽發使

告宓子曰自今單父非吾有也從子安能詭隨人曲折

之制宓子得行其志于是單父治焉

作杞柳詩民勞云無縱詭隨孟

桓公甕盜瘻

莊子德充符篇甕盜

大瘻說齊桓公悅之

楚國不龜手

莊子第一篇宋人有善為不龜手之

藥者容得其方以說吳王越有難吳王使之將冬與越人水戰大敗越人裂地而封之今日楚國恐誤生

涯但如此那問託婿友

書盤庚至于

久陰快夜晴天文若

科斗村南鬼火寒

杜詩陰房鬼火青坡道哀湍瀉

村北風虎吼野人驅

鷄豚縛落堅纏守劉郎弓石八猛氣厭馮婦

孟子曰晉人有馮婦

者善搏虎虎負嵎莫之敢撓望見馮婦趨而迎之馮婦攘臂下車衆皆悅之其為士者笑之

一試金

僕姑

左傳莊十一年公以金僕姑射南宮長萬注矢名

歸飲軟臂酒

大唐稽疑云郭子儀

自同州歸代宗詔大臣就宅作軟脚局今挽弓故曰軟臂

丙申泊東流縣

東流建德二縣皆隸池州元注云語曰東流速客驚動建德

前日發大雷真成料虎頭

莊子盜跖篇孔子曰邱所謂料虎頭編虎鬚幾不免虎口

哉

今日伐鼓出

詩采芑伐鼓淵淵

棹歌傲陽侯

戰國策塞漏舟而輕陽侯之波

則舟覆矣屈原哀郢云陵陽侯之汎濫兮忽翺
翔之馮薄太白詩譚浪棹海客喧呼傲陽侯
滄江百

折來及此始東流東流會賓客建德推羊牛野語尚信

然小市黃蘆洲惟有采薪翁經營往來舟櫓樞盡斤斧

上林賦沙棠櫓音歷諸山童烟雨愁
孫卿子曰斬伐養長不失時故山林不童公孫宏傳山不

童澤
不涸

書石牛溪旁大石上

同安志云石牛洞在三祖山山谷寺之西北其石狀若伏

牛因以為名初李伯時畫魯直坐石牛上因此號山谷道人題詩石上所謂青牛駕我山谷路也

鬱鬱窈窈天官宅

黃庭經云鬱鬱窈窈真人墟真人即天官也

諸峰排霄帝

不隔六時謁天開關鑰我身金華牧羊客

見前

羊眠野

草我世間高真衆靈思我還石盆之中有甘露青牛駕

我山谷路

劉向列仙傳李耳字伯陽陳人也生于殷時為周柱下史轉為守藏吏積八十餘年後周

德衰乃乘青牛車去入大秦西過關關令尹喜知其真人也乃強使著書作道德上下經

題山谷大石

畏畏

音委

佳佳

音

石谷水

莊子齊物篇山林之畏佳注云大風之所扇動也釋音云畏于

鬼反佳

藪藪隆隆山木風

揚雄解嘲云炎炎者滅隆隆者絕注云隆隆雷聲也

香四百六十載開山者誰梁寶公

謂寶誌也同安志云飛錫泉在三祖山後

寶公自金陵飛錫而至以相山谷寺基泉為之湧出遂寓此山今資壽殿有寶公遺像

同蘇子平李德叟登擢秀閣

同安志云擢秀閣在舒州彭法寺乃陳瑩

中讀書處自此登第黃魯直名而書之城中樓觀與城北山水凭欄盡見

築屋皖公城木末置曲欄

杜詩我行已水濱我僕猶木末

歲晚對烟景

人家橘柚間

李白詩人烟寒橘柚秋色老梧桐

獨秀司命峰

同安志司命峰至皖

山二里有九天司命真君祠

衆口讓高寒

退之作劉統軍碑云仍世北邊樂其高寒松竹

二喬宅

同安志孫策周瑜得橋公二女今郡城東有佛廬世傳為公故宅

雪雲三祖山

纂異一本作暮雨二喬宅孤雲三祖山○山谷寺在懷寧縣西有三祖僧璨大師塔

衰懷造勝境

轉覺落筆難蘇李工五字屬聯不當慳

文選李陵蘇武相贈答詩皆五

字句以此二子取其同姓

靈龜泉上

同安志載此詩注云靈龜泉在皖口中路去州七十里

大靈壽日月化石皖公陂偶無斧斤尋

左傳文七年諺所謂庇焉而縱

尋斧焉

不作宰上碑

王建詩潤底盤陀石漸稀盡向墳前作羊虎靈龜泉銘有序其略云

發皖口而西四十里泉淙淙行山徑亂石間坎甃清徹項有大石如龜引氣云云宰上已見前注

傾首

若有謂指泉來自西泉甘崖木老坐獻欲忘歸風流裴

通直

一作裴髯喜幽事

商略從我嬉

世說商略先姓名達

蒔梅盈百科洗

石出崛奇

文選創阿房之崛奇退之詩心跡兩崛奇

更約聘石工鑱我靈龜

詩舅弟妙學古

元注云舅弟李德叟按韓文柳子厚墓誌云葬子厚于萬年之墓者舅弟盧遵

舅弟之稱蓋出于此

亦復古鬚眉卿家北海公

謂李邕也

筆法可等夷

張良傳諸將皆陛下故等夷杜詩雅量涵高遠清襟照等夷

為我書斯文要與斗牛

垂

從邱十四借韓文二首

吏部文章萬世吾求善本編窺散帙雲牕棐几同安得

見邱遲

謝靈運詩散帙問所知太白詩得憩雲牕眠王羲之傳詣門生家見棐几滑淨因書之南史邱

靈鞠傳子遲詞采麗

逸同安今舒州也

中有先君手澤

禮玉藻父沒而不能讀父之書手澤存焉耳

丹鉛點勘書詩

退之秋懷詩不如觀文字丹鉛事點勘

莫惜借行千里他日還君一鷗

古語

借書一癡還書一癡蘇黃詩乃作鷗詳見胡朝請借書目注

發舒州向皖口道中作寄李德叟

同安志云皖口鎮去州八十里

黑雲平屋簷

一作崔嵬雲壓空李賀詩黑雲壓城城欲摧

晨夜隔星月曉裝

商旅前冰底泥活活野人攘畔耕

一作侵畔耕史記帝紀舜耕歷山歷山之

人皆讓畔文選注云朝子曰歷山農侵畔者舜往而耕者讓河濱漁者爭坻舜往而漁者讓

蹇馬不

能滑駝裘惜蒙茸

左傳狐裘蒙茸

俱落水塘缺孤材小蝸舍

三國

志焦先傳先嘗作小廬形如蝸牛殼故曰蝸牛廬

乞火

乾履韞

漢蒯通傳束縵乞火崔浩文儀

前登極崢嶸

一作

高他日飛鳥沒寒花委亂草

杜詩寒花隱亂草宿鳥擇深枝

耐凍鳴風

葉

一作耐凍風葉

江形篆平沙

退之聯句沙篆印迴平

分派回勁

筆髯弟不俱來得句漫削刷

一作漫得句奇崛甘泉賦般榘棄其削刷注云削曲

刀也刷曲鑿也刷刷同音居衛切亦見楚辭

却望同安城惟有松鬱鬱

選詩鬱鬱

潤底遙知浦口晴諸峰見明雪

一作松雪選詩山明望松雪

庭堅得邑太和六舅按節出同安邂逅于皖公溪
口風雨阻留十日對榻夜語因詠誰知風雨夜復
此對牀眠別後覺斯言可念列置十字字為八句

寄呈十首

同安郡舒州也有皖公山六舅謂李常
字公擇也提點淮南西路刑獄提刑司

在舒
州

鵠白不以烏

莊子天運篇鵠不日浴
而白烏不日黔而黑

蘭香端為誰

家語
蘭生

深林不以無人而不香

外家秉明德晚與世參差

退之詩豈敢尚
幽獨與世寔參

差

乖離歲十二

淵明答龐參軍詩序云
人事好乖便當語離

會面卒卒期

杜詩

主稱會面難司馬遷傳卒卒無須臾之間

何言瀟邱底玉稻同一炊

舒州有瀟山一

名天柱

滄江渺無津同濟共安危

書微子云若涉大川其無津涯孫子曰同舟濟而遇風其

相救也如左右手言世路風波也

四海非不廣舅甥自相知孔鸞在榛

梅

上林賦適孔鸞促鵲鸛退之詩明庭集孔鸞以喻公擇言處非其地

鶴鸛亦一枝

莊子鶴鸛

巢于深林不過一枝此以自喻

千里同明月

見前注

相期不磷緇

韓詩方為金石

姿萬世無緇磷杜詩但取不磷緇磷緇字出論語

少小長母家拊憐輩諸童食貧走八方

衛國風氓略已三歲食貧

一老翁

注見前

不能成宅相

晉魏舒傳少孤為外家寧氏所養寧氏起宅相宅者云當

出貴甥外祖母以盛氏甥小而慧意謂應之舒曰當為外家成此宅相北史邢晏稱其甥李繪曰如對珠玉宅

相之寄當在此甥李白別從甥高頗似舅固窮
論語君子固窮

五詩能成吾宅相不減魏陽元

晉何無忌傳桓玄曰何無何以報嘉德取琴作南風
記

忌劉牢之之甥酷似其舅

舜作五絃之琴以歌南風一作鼓琴歌南風

德人心寂寥立朝實莊語

莊子天下篇以天下為沉溺而不可與莊語公擇熙寧初

自太常博士改右正言論新法通判
滑州知鄂湖齊三州徙淮西提刑
虎節坐山城

周禮地官

掌節云凡邦國之
孤雲猶能雨文章被甥姪孝友諧婦
使節山國用虎節

女偃息一畝宮植梅當歌舞

詩北山或偃息在牀儒行云儒有一畝之宮

江都克家才

易蒙卦子克家

萬卷書插架

退之詩鄴侯家多書架插三萬軸

願

言渠出仕從舅問耕稼誰云瀕老境

曲禮曰耆指使釋文耆至也至老境

也此子即長夜

杜詩短褐即長夜

歸歟祿前期蒔橘鋤甘蔗

元注

云江都尉李

曩窺涉世方白駒且場穀

小雅皎皎白駒食我場穀

平生漫歲晚志

尚向山木

莊子有山木篇言山中之草木以不材得終其天年焉

返身觀小醜

孟子反身

而誠樂莫大焉

真成覆車犢

晉書石季龍傳快牛為犢子時多能破車汝當小忍之

否臧

太磊磊從此更三復

漢鄭當時不敢甚斥臧否詩意蓋悔其有所評品欲三復白圭也

負薪反羊裘愛表只傷裏

魏志明帝破諸葛亮露布曰亮反裘負薪裏盡毛殫事本

出新序其詞曰魏文侯出游見路人反裘而負芻問之對曰臣愛其毛文侯曰若不知其裏盡而毛無所恃耶

明年東陽上計錢布十部文侯曰此無異夫路人補紉反裘而負芻也民不如衆而錢十倍必取之民也補紉

雖云工歲晏安可恃洗心如秋天

易繫辭云聖人以六此洗心退藏于密

合無塵滓

莊子出入六合遊乎九州晉會稽王道子戲謝重曰卿強欲滓穢太清耶

去來在彼不在此

此篇有所諷

阿髯學升堂

德 幹母思靡悔

壘九二幹 文成藝桃李不

言行道兌

大雅綿曰行道兌矣兌成蹊也此用李廣贊桃李不言下自成蹊

阿蘇妙言

語機警欲無對子姪何預人蘭玉要可佩

阿蘇舅氏幼子晉謝玄

傳叔父安嘗戒約子姪因曰子弟何預人事而正欲其佳玄曰如芝蘭玉樹欲其生于堦庭耳

解衣臥相語濤波夜掀牀十年身百憂險阻心已降

詩我

心則降

涉旬風更雨宿昔燭生光衾幃無端冷明月一船

霜

詩小星抱衾與裯注衾被也裯單被也鄭云裯牀帳也爾雅幃謂之帳楚辭弱阿拂壁羅裯張又云翳帷

翠幃飾高堂杜詩

邂逅無端出錢遲

親依為日淺

李密陳情表母孫二人相依為命祖母劉今年九十有六是臣盡節于陛下之日長

報劉之
日短也

愛不舍我眠

退之示爽詩座中惡
親故誰肯舍汝眠

教我如牧羊

更著後者鞭

莊子達生篇善養生者若
牧羊然視其後者而鞭之

得邑邇梅嶺開

花向春妍

杜詩短日
行梅嶺

碌碌幸苟免稱觴大人前

晉周顒
母李氏

字絡秀顒等並列顯位嘗置酒絡秀舉觴曰吾本渡江
託足無所不謂爾等並貴列吾目前嵩起曰伯仁志大
而才短名重而識暗非自全之道嵩性抗直亦不容于
世惟阿奴碌碌當在阿母目下耳阿奴謨小字也後果
如其言大人自言其母也後漢范滂就誅與母訣曰大
人割不忍之愛勿增戚戚韓文柳子厚墓誌播非人所
居而夢得親在堂吾不忍夢得之窮無詞以白其大
人漢淮陽王欽傳王遇大人益解注云自稱其母也

題馬當山魯望亭四首

元注云彭
澤舊治所

馬當一曲孤烟

按尋陽志馬當山江州彭澤縣西四十里高八十丈其下無底有廟封為土元

水府陸龜蒙字魯望有馬當山銘大概言太行呂梁馬當合是三陰而為一未敵小方寸之包藏名亭曰魯

望以此故也因畫陶元亮等四人

人物于今眇然

當今人物渺然王逸少帖中語也

見繞籬黃菊

陶詩采菊東籬下

誰收種秫圭田

一作有地自荒

酒錢晉書陶潛傳潛字元亮為彭澤令在縣公田悉令種秫穀曰令吾常醉于酒足矣妻子固請種秫乃使二

頃五十畝種秫五十畝種秬圭田見孟子老杜贈鄭虔云賴有蘇司業時時與酒錢

右元亮

鯨波橫流砥柱

杜詩溟漲鯨波動劉夢得詩世道劇頽波我心如砥柱禹貢砥柱在陝州硤石

縣熙寧廢縣為鎮隸陝縣河水分流
包山而過若柱然唐太宗勸銘于此
虎口活國宗臣莊子

盜跖篇幾不免虎口哉漢叔孫通傳云通自言幾不免虎

口唐狄仁傑傳力勸武后迎廬陵王曰立廬陵王則千

秋萬歲後常享宗廟三思立廟不祔姑后感悟即日迎

王于房州杜詩冀公柱石姿論道邦國治漢蕭曹贊為

一代之小屈絃歌百里仁傑嘗為來俊臣所誣捕送制

宗臣獄已承反減死貶彭澤令人為

置生不誣天下歸仁小屈一作少日不誣一作莫言論

右狄梁公

不見魯公斷石誰家為礎為杠魯公當是貶吉州司馬

石而不存疑其為礎以薦柱或為橋梁也孟子云十一

月徒杠成注疏引說文云石杠石橋也俗作杠從木

筆法錐沙屋漏心期曉日秋霜

心期見前注

右顏魯公

笠澤道人高古

吳郡圖經曰松江一名笠澤陸魯望居甫里號所注書曰笠澤叢書李白宣城

青溪篇山見日高古石容天傾側

文章白髮蕭條

一作文章歲寒後彫

欲問勒銘

遺墨

即馬當銘

應書水府蛟綃

吳郡賦泉室潛織而卷綃淵客忼慨而泣珠注云俗傳蛟

人從水中出曾寓人家積日賣綃綃即孚

俞也臨去索器泣而出珠滿盤以遺主人

右陸魯望

泊大孤山作

元注云庚申十二月作庚申蓋元豐三年也是年赴太和有寄李公擇詩

序云元豐庚申得邑太和此詩當在宮亭湖詩之前大孤山在德化縣東四十五里大江中

匪澤為彭蠡

書禹貢東匪澤為彭蠡

其容化鵑鵬

見莊子第一篇

中流擢

寒山正色且無朋

莊子天之蒼蒼其正色耶詩椒聊碩大無朋退之詩汝豈無朋匹

其下

蛟龍卧宮譙珠貝層

屈原九歌紫貝闕今珠宮譙城也

朝雲與暮雨何處

會高陵

高唐賦旦為朝雲暮為行雨

不見凌波韞

洛神賦凌波微步羅韞生塵

靚妝

照澄凝

上林賦靚妝刻飾歐陽歸田錄江南有大小孤山在江中巖然獨立而世俗轉孤為姑江側有一石

磯謂之彭浪磯遂轉為彭浪磯云彭浪小姑壻也予過小孤山廟像乃一婦人而敕額為聖母廟豈止俚俗之謬而東坡亦有小姑嫁彭浪之詩今山谷詩中亦用世俗相傳之語退之詩凝澄閭陰晷

空餘血食地猿嘯

枯楠藤高帆駕天來

退之詩高浪駕天翰不盡

落葉聚秋蠅幽明異

禮樂

禮記明則有禮樂幽則有鬼神

忠信豈其憑

白樂天入峽詩一跌無完舟吾生繫于此

常聞使忠信蠻貊可行矣揚子豈其卿豈其卿

風波浩平陸何況非履水

詩如履薄

永

安得曠達士霜晴嘗一登

老杜登慈恩寺塔詩自非曠達士懷登茲胡百憂

題落星寺四首

山谷真蹟前二首題云題落星寺巖漪軒第

四首題云往與道純醉卧嵐漪軒夜半取筆題壁間又有蜀本石刻前一首題云落星寺僧請題詩而首句作游空天象有賈隆又畫吟作畫倚江撼牀作波撼牀室房作蜂房牖戶作戶牖青雲梯幾級作虛空更幾級瘦藤作一藤而第四首石刻題作醉書落星寺壁時與劉道純同飲二僧在焉四

詩非同時作後人類聚于此故
詩語有重複不可指其歲月

星宮游空何時落

竇宇記落星石在江州廬山
東周迴一百五步高丈許

著地亦

化為寶坊

寶坊見前注落星
寺在彭蠡湖中

詩人畫吟山入座

白樂天詩高堂

虛且迴坐卧見江山王禹偁詩隨
船曉月孤輪白入坐晴山數點青

醉客夜愕江撼牀蜜

房各自開牖戶

魏志管輅射覆卦成曰家室倒懸門戶
衆多此蠹窠也杜詩風落收松子天寒

割蜜
房 蟻穴或夢封侯王

用異聞集淳于棼夢入大槐安
國事詳見後宿觀音院詩注

不知青雲梯幾級

墨子公輸班為雲梯以攻宋
文選謝靈運詩共登青雲梯
更借度

藤尋上方

上方見維摩經杜
詩上方樓閣晚

巖巖正俗先生廬

後漢郡國志廬州郡尋陽注云釋慧遠廬山記曰尋陽南濱官亭湖有匡

俗先生者出殷周之際隱遁潛居時人謂其所止為仙人之廬而命焉匡俗字君平尋陽記匡俗先生廬在德

化縣南

其下宮亭水所都

荊州記官亭即彭蠡湖也

北辰九闕隔雲雨

三十里

爾雅北極謂之北辰九闕見楚辭

南極一星在江湖

杜詩南極一星朝北斗

相黏蟻

山作居室

退之初南食云蟻相黏為山百十各自生嶺表錄異云蟻即牡蠣也初生海島邊如拳石漸長

有高一二丈者雜俎云介蟲中惟牡蠣是鹹水中生

竅鑿混沌無完膚

莊子應帝王篇儻與忽謀

報渾沌之德曰人皆有七竅以聽視息此獨

萬鼓春撞

無有嘗試鑿之日鑿一竅七日而渾沌死

夜濤湧

退之瀧吏詩險惡不可狀船石相舂撞

驪龍莫睡失明珠

見前注

落星開士深結屋

楞嚴經云並其同伴十六開士杜詩獨在深崖結茅屋

龍閣老

翁來賦詩

元注云寺僧擇隆作晏坐小軒為落星之勝處龍閣老爺當謂李公擇南康軍建昌人廬

山亦在南康境內必有賦詠按元祐三年八月丙子御史中丞李常充龍圖直學士其賦詩當在此前

雨藏山客坐久

莊子大宗詩篇藏舟于壑藏山于澤

長江接天帆到遲燕

寢清香與世隔

章應物詩燕寢凝清香

畫圖妙絕

一作絕筆

無人知

元注

云僧隆畫甚富而寒山拾得畫最妙

蜂房各自開戶牖處處煮茶藤一枝

北風吹倒落星寺吾與伯倫俱醉眠

晉劉伶字伯倫以況劉道純


螟

蛉螺羸但癡坐

劉伶酒德頌云二豪侍側焉如螺羸之與螟蛉螺羸螟蛉本出詩又見揚子

夜寒北斗垂天

元注云戲題落星寺壁時
與劉道純俱飲二僧在焉



山谷外集詩注卷八

欽定四庫全書

集部

山谷外集詩注卷十九

詳校官庶吉士_臣胡鈺

檢討_臣何思鈞覆勘

總校官候補中允_臣王燕緒

校對官編修_臣勵守謙

謄錄監生_臣趙大赤

欽定四庫全書

山谷外集詩注卷九

宋 黃庭堅 撰

史 容 注

玉京軒

元注云玉京山在壺峯下落星寺僧開軒對之。按葉異蜀本云蒼山其下白玉京

廣成安期來訪道紫雲黃霧鎖玄關雷驅不祥電
揮掃上有千年來歸之白鶴下有萬世不凋之瑤
草野僧雲臥對開軒爐香霏霏日杲杲稻田袖手
非黃冠一鉢安巢若飛鳥莫見仙人乞玉泉問取
紫霄耶舍老又山客有真蹟跋語云將旦起坐復
得長句忽忽就竹與不暇寓歲行一周道純已凋

落為之隕涕故書遺起上人可刻石於吾二人醉處他日有與予友及道純好事者尚徘徊碑側元

祐六年大寒黃庭堅書自元祐
逆數元豐盛庚申歲一周也

蒼山其下白玉京五城十二樓

史記封禪書方士有言黃帝時為五城十二樓

以候神人命曰迎年太白詩
云天上白玉京十二樓五城

鬱儀結鄰常杲杲

黃庭經云鬱儀

結鄰善相保注云鬱儀奔日之仙
結鄰奔月之仙毛詩杲杲出日

紫雲黃霧鑱玄關

文選

王簡栖碑云
玄關幽鑱

雷驅不祥電揮掃

韓文送李愿歸盤谷序云鬼神守護兮阿禁不

祥老杜詩去秋羣
胡反不得無電揮

上有千年來歸之白鶴

續搜神記遼東華表柱有

鶴歌曰有鳥有鳥丁令威去家千歲今來
歸城郭猶是人民非何不學仙家景景

下有萬世不

凋之瑶草

江淹香爐峯詩瑶草正翕然注云玉芝也老杜詩方朔拾瑶草李太白詩上有無花之古

樹下有傷心之春草

野僧雲卧對開軒

杜詩雲卧衣裳全

一鉢安巢若飛

鳥

傳燈錄有道吾和尚一鉢歌

北風卷沙過夜窓枕底鯨波撼蓬島

太白詩白波連山倒蓬壺又云海鯨東蹙百川回

箇中即是地行仙但使心閒

自難老

楞嚴經第八卷有十仙種名地行仙其一也

過致政屯田劉公隱廬

劉渙字凝之筠州人舉進士為顯上全以剛直不屈

素官家于廬山之陽時年五十歐陽公為作廬山高按蜀本拜劉疑之畫像詩置之崇寧元年時山谷自荆入岳邊陸至萍鄉回途自筠陽豫章山行由東林太平觀至江州初不經南康且道純已卒

於元祐前而詩中有少子似公
賢之句則是詩作于元豐無疑

兒時拜公牀

後漢馬援傳嘗有疾梁松來侯之獨拜牀下又龐公傳注諸葛孔明每至德公家獨

拜牀

眼碧眉紫煙

祖庭事苑初祖達磨眼有紺青之色故稱祖曰碧眼

舍前架茅

茨爐香坐僧禪女奴煮髧栗

杜詩童子能煎髧栗湯

石盆瀉機泉

退之聯句云機舂瀑溪力莊子天地篇鑿水為機後重前輕挈水若抽其名為棹

今來掃門巷

杜詩三年門巷空

竹間翁蛻蟬

退之謝自然詩入門無所見冠屨同蛻蟬

堂堂列五

老

案字記云五老峯在廬山東高崖突出如五人相逐羅列之狀

勝氣失江山石盆爛

黃土茅齋薪壤掾女奴為民妻又瘞蒿里園

漢武五子傳廣陵厲

王歌曰萬里名兮郭當年笑語地華屋轉朱欄曹子建詩生存

華屋
課兒種松子傘蓋上參天文選曹子建詩投策數

去日木行天再環

尚書考靈耀云歲星木精也歲星十二歲一周天自兒時拜公牀至是二

十四年矣恐是山谷兒時嘗拜凝之至元豐庚申歲過其隱廬蓋天再環矣山谷時年三十六則拜凝之時年

十二必少時自豫章至南康也先生古人風鐵膽石肺肝皮曰休稱宋廣平鐵腸石

心見曰休挑花賦序文選曹子建三良詩哀哉傷肺肝眼前不可意壯日掛其冠

解衣廬君峯

按世說言遠公在廬山事引豫章舊志曰廬俗字君孝本姓匡夏禹苗裔野王助漢

定天下野王亡軍中漢封俗鄆陽男食邑於茲印曰廬君故世謂廬山又引遠法師廬山記有匡俗先生廬

洗耳瀑布源

莊子堯讓天下于許由巢父聞之而洗其耳李白廬山瀑布詩云日照香爐生紫煙

遙看瀑布掛長川飛流直下三千尺疑是銀河落九天

霧豹藏文章驚世時一斑

見前注

衆人初易之久遠乃見難

退之答李翱書及之後知履之而後難耳

憶昔子政在為翁數解顏

劉向字子政以比道原也道原名恕字凝之子列子云老

商始一解顏而笑

五兵森武庫

周禮夏官司兵五盾注戈父戟齒矛夷矛晉杜預傳號曰杜武

庫言其無所不育也道原博學強記裴摺傳目鍾會云如觀武庫森森但見矛戟在前

河漢落舌

端

莊子第一篇肩吾問于連叔曰吾聞言於接輿吾驚怖其言猶河漢而無極也韓詩外傳君子避三端避

文士之筆端避武士之鋒端避辯士之舌端

王陽已富貴塵冠不肯彈

漢書王吉

字子陽與貢禹為友世稱王陽王陽在位貢禹彈冠道原與
王介甫有舊介甫欲引道原修三司條例辭不就因言
宜恢張堯舜之道不應以財利為先介甫不能用亦未
之怒也及呂誨得罪知鄧州道原見介甫曰公所以致
人言蓋亦有所未思因為條陳所更法令不合衆心者
宜復其舊則議論自息介甫怒遂與之絕道原以親老
遂告歸南康乞監酒稅以就養呻吟刊十史凡例墨新乾道原著十國
卷杜預春秋經傳集解序云其發凡以言例皆經國之
常制又云修丘明之傳以釋經經之條貫必出于傳傳
之義例總歸諸凡老杜八哀詩贈宰木忽拱把莊子人
間世云
李邕云各滿深望還森然起凡例相望風隧寒左傳
隱元
宋有荆氏者宜楸柏桑其拱把而上
者求狙猴之杙者斬之宰木見前注
年穎考叔曰若闕地及泉隧而相
見其誰曰不然注云隧若今延道
百楹書萬卷少子似

翁賢

少子謂
道純也

壽聖觀道士黃至明開小隱軒太守徐公為題曰

快軒庭堅集句詠之

洪覺範冬齋夜話云山谷在星渚賦道士快軒詩點筆立

就其畧曰吟詩作賦止窓裏萬言不及一杯水願
得青天化作一張紙想見其高韻氣摩雲霄也覺
範安知此為何人語而遽評品也星渚即落星灣
已見前注山谷以集句為百家衣而此篇專取太
白一家畧問他人數言以成章也太白古風云金
華牧羊兒乃是紫陽客襄陽歌云鸛鵲杓鸚鵡盃
百年三萬六千日一日須傾三百盃清風明月不
用一錢買玉山自倒非人推蜀道難云砮崖轉石
萬壑雷寒夜獨酌云吟詩作賦止窓裏萬言不直
一杯水山中對酌云兩人對酌山花開一杯一杯

復一杯廬山謠云廬山秀出南斗傍銀河倒掛三
石梁送竇明府云有長鯨白齒若雪山選詩云桂
水日千里因之平生懷古樂府羅敷行使君東南
來五馬立踟躕呂洞賓詩云一粒粟中藏世界二

升銚內

煮乾坤

金華牧羊兒一粒粟中藏世界使君從南來清風明月
不用一錢買鸕鷀杓鸚鵡杯一杯一杯復一杯玉山自
倒非人推廬山秀出南斗傍登高送遠形神開銀河倒
挂三石梁砮崖轉石萬壑雷吟詩作賦北窓裏安得青
天化作一張紙有長鯨白齒若雪山我願因之寄千里

駐輿遣人尋訪後山陳德方家

江雨濛濛作小寒雪飄五老髮毛斑

五老峯見前注

城中咫尺

雲橫棧獨立前山望後山

題李夫人偃竹

李夫人山谷之姨母公擇之妹善臨松竹木石見米芾畫史

孤根偃蹇非傲世

唐杜審言傳恃才高以傲世

勁節癯枝萬壑風聞

中白髮翰墨手落筆乃與天同功

唐李賀詩筆補造化天無功

次韻章禹直開元寺觀畫壁兼簡李德素

禹直字嗣功嘗

以書上言新法羈管洪州詳詩中語意山谷未赴太和家居時作

丹青占藏壁風雨飽侵食拂塵開藻鑒

老杜詩持衡留藻鑒

志士

淚霑臆

老杜云人生有情淚霑臆

靈山遠飛來不可以智測

臨安靈隱山有

飛來峯晏元獻興地志云晉咸和元年西天僧慧理曰此是中天竺國靈鷲山之小嶺不知何年飛來

龍

神湛回向

楞嚴經有十回向

擁衛立劒戟依稀吳生手旌旆畧

可識

老杜云畫手看前輩吳生遠擅場又曰冕旒俱秀發旌旆盡飛揚又云依稀旆旌奴跡

鴻濛揮

樓殿

張衡思立賦踰鴻濛于客冥兮貫倒景而高厲老杜靈歇作云東山氣濛鴻宮殿居上頭又嶽麓山

道林二寺行云殿脚挿入赤沙湖

毫髮數動植

周禮大司徒具動物宜毛物其植物宜早物杜

詩直欲數秋毫

廣林瞻二聖有衆拱萬億

詩云萬億及極

飛行湊六合

莊子六合之內聖人論而不
議六合之外聖人存而不論
攬取着一席人人開生面

老杜丹青引凌煙功臣少
顏色將軍下筆開生面
絕妙推心得
莊子得之心應之手世說曹娥

碑題云絕
妙好辭
李候天機深
莊子大宗師篇其嗜欲深者其天機淺杜詩劉侯天機精
指

點目所及
杜詩指點虛無是征路
三生石上夢
甘澤謠記圓澤事云圓澤歌曰三生

石上舊精魂
當月吟風不要論
慳情人遠相訪此身雖異性長存
天樂鳴我側
太白登五官閣

詩漫漫雨花落
嘈嘈天樂鳴又東
林寺詩天香生虛空
天樂鳴不改
幽尋前日事
退之詩幽尋夢

去晦明忽復易
章生南溟鵬
莊子北溟有魚化而為鳥其名為鵬海運則將徙于

南
誤
籠檻鎖六翮
韓詩外傳鴻鵠一舉千里所恃者六翮耳
能同寂寞遊濁酒

聊放適

文選嵇叔夜書濁酒一
面彈琴一曲志願畢矣

西風葉蕭蕭蟋蟀依牆

壁

月令夏季蟋蟀居壁

家無萬金產

退之詩指渠相賀
言此是萬金產

四鄰砧聲

急

杜詩白帝城
高急暮砧

黎羹傲胃食

見前注退之送惠師云囊
無一金資翻為富者貧

藍縷亦山立

左傳宣十二年簞路藍縷樂記蟋干而山
立玉藻山立時行言雖貧而不動如山也

並船有歌妹粉白眉黛黑

淮南子云粉白黛黑
韓文云粉白黛黑

期公開

顏笑醉語雜翰墨不須談俗事祇令人氣塞

淳化帖王
羲之書云

而黥疾若此令人短氣唐書田令孜矯詔殺
孟昭國聞者氣塞而不敢言此言熙豐之政

豐城

元注云亭上有李衡公餽池賦世父長善石
隄記○豐城乃洪州屬邑洪今為隆興府

豐城邑巖巖

詩云大山巖巖

水種六萬戶石隄眠長虹

朝野僉載趙州

石橋望之如初月出雲長虹飲湖

輟棹日沈霧

杜詩翳翳月沈霧暉暉星近樓

令君政

有聲新亭延客步淚落石父碑

晉羊祐襄陽百姓于峴山立碑望其碑者莫不

流涕杜預固名墜淚碑

心傾文饒賦

李德裕字文饒有餽池賦云丙辰孟夏予屆途豐城弭轍

江渚間埋餽之地則有池存焉藏人亡餽去因為此賦云

憶昔兩神兵

周亞夫傳兵事上神密張

景陽七命注曰餽能威天下故謂之神兵南史沈慶之傳文帝北侵慶之哀分旬日內外整辦時皆謂神兵杜

詩近賀中興主神兵動朔方

埋玉思武庫

晉庾亮傳埋玉樹于土中武庫見前注

寒光

射漢津

爾雅析木謂之津箕斗之間漢津也

兩賢紆一顧張公拆中台

杜詩

星拆台衡地注中
木拱孔章墓不能從兒嬉
退之送張

不嬌笑語不
歲晚龍蛇去空餘寒泉泓因雨長蛙鮒鉛

刀藏寶室萬世同此度
張華傳斗牛之間常有紫氣華

精上徹于天在豫章豐城即補煥為豐城令煥到縣掘
獄基入地四丈餘得一石函中有双劍並刻題一曰龍

泉一曰太阿送一與華留一自佩華誅失劍所在煥卒
子華特劍行經延平津劍忽于腰間躍出墜水使人入

水取之但見兩龍各長數丈華少子翹以中台星拆勸
華遜位華不從而難作雷煥子孔章見水經賴水注篇

未用賈誼賦莫耶為鉞鉛刀為鋸
之意離騷經云何不改此度也

上蕭家峽

玉筍峯前幾百家山明松雪水明沙

文選顏延年詩庭見野陰山昏明望

松

雲趣虛人集春蔬好桑菌竹萌煙蕨芽

一作趣唐人煙中語竹條歸

來有蕨芽柳子厚柳州詩云青若蕨鹽歸洞容經荷包飯趣虛人元注云虛市也案宇記吉州廬陵縣玉筍山

道書福地記云此山地肥美宜穀辟兵桑菌桑搥也詩食我桑搥爾雅筍竹萌山谷嘗有詩云蕨芽已作小兒拳

何蕭二族

西漢功名相國多南朝人物數諸何

相國謂蕭何也而史何尚之傳廬江

滌人子孫弟姪附傳者八人

向來富貴喧天地亦有文章在澗阿

阿澗

見前
注

魏夫人壇

獨掃蛾眉作遠山

卓文君眉色不加黛錦常如遠山杜詩淡掃蛾眉朝至尊

春風瑤

草照朱顏

李白詩相期拾瑤草

我來欲問許玉斧二十四峯如髻

鬟

案宇記撫州臨川縣西北六里二百步有魏夫人壇神仙內傳夫人晉司徒舒之女傳法于護軍長史許

穆穆子玉斧皆昇仙章應物綠華歌云世涵濁兮不可降胡不來兮玉斧家

隱梅福處

吳門不作南昌尉上疏歸來朝市空

淵明詩一世異朝市

笑拂巖

花間塵世故人子是國師公

漢書梅福字子真九江壽春人案宇記洪州南昌縣

有梅福池福歎曰生為我酷仕為我桔形為我辱智為我妻于是棄南昌尉去妻子入洪崖山得道為神仙代我有人或于玉笥山中逢見詩意謂梅福與劉向皆仕元成間數上疏直諫亦畧相似而向之子歆改名秀王莽篡位歆為國師後事皆在莽傳

蕭子雲宅

郁木坑頭春鳥呼雲迷帝子在時居風流掃地無尋處

只有寒藤學草書

南史齊高帝孫子雲字景喬善草隸自云效鍾元常王逸少而微變字體

出為東陽太守百濟國使人至建業求書逢子雲為郡雄舟將發望船三十許步行并行前子雲遣問之答曰

侍中尺牘之美遠流海外今日所求唯在名迹子雲停
船三日書三十紙與之獲金貨數百萬玉筍山記曰蕭
子雲來樓止有人謂曰東北有洞曰都木坑水自東注
可以久居子雲遂徙家居之後全家隱洞中不知所之
其地名都木巖也大歷初有道士謝修通居此山四十
年後遇人引行見宅基遂結庵居之長慶初入都木坑
見一宅重扉須臾有青衣童子招修通入見一人紫綬
我冠佩劔立堂之左一人碧綬素簡立堂之右童子曰
左者蕭君右者梅君即梅福也此記詳見太
平御覽都木坑頭當作都木坑掃地見前注

避秦十人

九真承詔上龍胡

史記封禪書有龍垂胡鬣下迎黃帝上騎羣臣從者七十餘人按漢金曰

碑傳梓胡投莽何羅殿下注盡是驪山所送徒惟有鄧
胡頭也尚書序云承詔作傳

公留不去松根撐鼎煮菖蒲

漢高紀為縣
送徒驪山

黃雀

牛大垂天且割烹

莊子逍遙篇具翼若垂天之雲以割烹要湯見孟子

細微黃雀

莫貪生頭顱雖復行萬里

鄉頭顱方行萬里見素絳傳王荆公嘗用此事作二十字

送呂望之赴臨江云黃雀有頭顱長行萬里餘想因君出守暫得免苞苴

猶和鹽梅傳說羹

和羹見尚

書說命

到官歸志浩然二絕句

到官蓋初至太和也此後皆太和所作

雨洗風吹桃李淨

劉夢得詩桃花淨盡菜花開

松聲聒盡鳥驚春滿

船明月從此去本是江湖寂寞人

鳥鳥未覺常先曉筍蕨登盤始見春

曉鷗未鳴而先起因見筍蕨始知春

深言作邑之勞如此也

斂手還他能者作從來刀筆不如人

漢曹參傳

起秦刀筆吏師古曰刀所以削書古者用簡牒故吏皆以刀筆自隨也陳湯傳挂于刀筆師古曰刀筆謂吏

題吉州承天院清涼軒

菩薩清涼月

東坡詩亦如訶佛丹霞老却向清涼禮白毫注清涼山萬菩薩所在

遊於畢

竟空

維摩經云無戲論畢竟空故楞嚴經若離明暗見畢竟空

我觀諸境盡心與古

人同僧髮侵眉白桃花映竹紅儻來尋祖意展手似家

風

傳燈錄南岳讓禪師問嵩山安如何是祖師西來意安曰如何不問自己意

次韻答楊子聞見贈

金盤厭飫五侯鯖

五侯鯖見前注

玉壺澆潑郎官清

國史補云酒則郢之

富水烏程之若下梁陽之土窟春劍南之燒春京域之蝦蟆陵郎官清李白詩玉壺美酒清若空

長安

市上醉不起

老杜云李白一斗詩百篇長安市上酒家眠

左右明妝奪目精

揚炯少室山廟碑光照耀兮奪目退之李花詩云靜濯明妝有所奉目精見前注

結交賢豪多

杜陵

班孟堅西都賦云鄉曲豪舉遊俠之雄連交合衆馳騫乎其中若乃觀其四郊浮遊近縣則南望杜

霸北眺五陵英俊之域城冕所興注云宣帝葬杜陵文帝葬霸陵

桃李成蹊卧落英

上林

賦垂條扶疏
落英嬌纓

黃綬今為白下令

元注云太和縣古白下漢朱博傳云刺史不

察黃綬師古曰丞尉職卑皆黃綬

蒼顏只使古人驚督郵小吏皆趨版

晉陶潛傳潛為彭澤令素簡貴不私事上官郡遣督郵至黜交白鹿束帶見之潛歎曰吾不能為五斗米折腰

拳拳事鄉里小人解印去縣趨版謂執手版而趨手版見前注退之詩勿嫌注官未登朝猶勝赤縣長起尹起

字蓋取此義

陽春白雪分吞聲

李白古風郭客吟白雲遺響飛青天徒勞歌此曲舉世誰

能傳試為郭人唱和者乃數千聲吞何足道歎息空懷然江淹恨賦莫不飲恨而吞聲鮑明遠和行路難心非

木石豈無感吞聲踴躍涕淚零言杜詩吞聲踴躍涕淚零

楊君青雲貴公子

劉桢酒德頌云

貴介公子歎嗟簿領困書生

劉公幹詩沈迷簿領書李善曰簿領謂文簿而記錄之莊子注

曰願錄也贈我新詩甚高妙淚斑枯笛月邊橫述異記舜葬蒼梧二妃淚

下沾竹文悉為之斑唐高駢題二妃廟當時珠淚垂多少直到如今竹尚斑文章不直一杯

水太白云吟詩作賦北窓裏萬言不直一杯水老矣忍與時人爭江城歌舞

聊得醉但願數有美酒傾莫要朱金纏縛我陸沈世上

貴無名

楊子法言紆朱懷金之樂老子曰無名萬物之始入曰道常無名李白詩舍光混世貴無名何

月孤高
比月明

聞致政胡朝請多藏書以詩借書目

萬事不理問伯始

萬事不理問伯始天下中庸有胡公見後漢胡廣傳廣字伯始

藉甚

聲名南郡胡

名聲藉甚見陸賈傳胡廣南郡華容人

遠孫白頭坐郎省紫

漢宮典職云尚書郎省中以胡粉塗壁

乞身歸來猶好書手抄萬卷未闌

筆

典略王粲才既高辨每朝走奏議卿相關筆不敢惜手唐劉知幾傳云閣筆相視含毫不斷

心醉

六經還荷鉏

列子見之而心醉見列子中說云心若醉六經目若營四海常林性好學帶經耕鉏

願公借我藏書目時送一鵠開鑠魚

古語借書一癡還書一癡或謂癡當

作瓶說文云瓶音歸注酒器按集云瓶字注云古以借書借書餽酒一瓶還書亦餽酒一瓶獨蘇黃詩乃作鵠

東坡云不持而鵠酒肯借一車書山谷又有詩云莫惜偕行千里他日還君一鵠秦少游亦云知贖春明退朝

錄借觀當奉一鵠還蓋用楊雄酒箴鵠夷滑稽腹大如壺盡日盛酒人復借鵠師古曰車囊盛酒也芝田錄云

門鑰必以魚者取其不瞑目守夜之義
李義山詩鴝舟繫兩岸魚鑰告重關

戲贈南安倅柳朝散

柳侯風味晚相見衣袂頗薰荀令香

襄陽記劉季和云荀令至人家坐

席三日香詳見觀王主簿醢醢詩注

桃李能言妙歌舞

借使李廣傳桃李不言

樽前

一曲斷人腸

劉禹錫于李司空坐上賦詩曰鬢鬢梳頭宮樣妝春風一曲杜韋娘司空見慣渾閒

事斷盡江南刺史賜李因以妓贈之

洞庭歸客有佳句

玉臺新咏有梁柳惲江南曲云洞庭

有客歸瀟湘逢故人

庾嶺梅花如小棠

庾嶺見前注詩蔽帶月棠箋云召伯舍小棠之下正

義郭璞曰今之杜梨又曰杜赤棠白者棠然則其白者為棠其赤者為杜宜以此梅也

乘興高帆

少相待淮湖秋月要傳觴

文選南都賦保才齊敏授爵傳觴

題槐安閣

并序。東禪屬度州山谷自太和考試南安過度州作

東禪僧進文結小閣于寢室東養生之具取諸

左右而足彼雖聞中天之臺百常之觀

文選西京賦徑

百常而臺擢注云倍尋曰常

盖無嫪慕之心予為題曰槐安

閣而賦詩夫據功名之會以嫖嫖一世其與蟻

丘亦有辨乎雖然陋蟻丘而仰太山之崇崛猶

未離乎俗觀也

淳于棼夢大槐安國詳見宿觀音院詩注

曲閣深房古屋頭病僧枯几過春秋垣衣蛛網蒙窓牖

本草垣衣一名昔邪又云在牆垣

萬象縱橫不繫留

賈誼

謂之垣衣在水中石上謂之陟屺

鵬鳥賦北乎

白蟻戰酣千里血

檀薤國來伐王命蔡征之敗績亦槐安國事也

晉楚戰于鄢陵戰酣之時

黃梁炊熟百年休

炊黃梁未熟見前注

王荆公詩即鄢四十餘年夢相對黃梁欲熟時

功成事遂人間世

老子功成名遂身退天之

道人間世莊子篇名

欲夢槐安向此遊

洪範以不合俗人題廳壁二絕句次韻和之

余洪範名

卞山谷元豐四年自太和往南安軍考試經行贛上洪範時為贛州郡掾與之唱和故有南康郡下

參軍之句南康即贛州之郡名有
答洪範二首寄一詩皆此時作

寂寥吾道付萬世忍向時人覓賞音

臨博而全疎閑樂而竊非者或有賞

音而識道者見曹子建求自試表聞鼓賞音見吳志周
瑜傳集中答明畧云枯桐滿腹生蛛網忍向時人覓清

賞皆用鍾
期伯牙事

搔首金城西萬里樽前從此嘆人琴

元注云
德占最

知洪範徐德占死事見後和答魏道輔詩注晉王徽之
傳獻之卒徽之奔喪不哭直上靈牀取獻之琴彈之久
而不調數日嗚呼子敬人琴俱亡白樂天祭元微
之文絃筆兩絕其今日乎乃人琴俱亡之意也

埋沒高才築釣間

杜牧之築釣乘時用言傳說太公也
韓文公代裴相辭官表高宗登博說

于版築周文用
呂望于釣屠

風雲未會要鯢桓南康郡下參軍耳付

與紅塵白眼者

鮑桓青白眼
並見前注

發贛上寄余洪範

山谷真蹟第三聯却作紅衣傳
酒傾諸客清夜中談誇九州又

有題名云王誠之柳誠甫周道甫魏伯殊余洪範
徐適道徐致虛馬固道東禪惠老及詩一首云惠
老有才氣往來三十年松風沉永日詩句即深禪
萬水千山裏長安大道遶相逢欲留語此月別時
圓周附
注此

二川來集南康郡

虔州治贛縣唐武德曰虔州天寶曰
南康郡二川謂貢水章水皆北流合

于贛縣流入大江紹興
二十三年改作贛州

氣味相似相和流

白樂天長恨
歌迴看血淚

相和
流

木落山明數歸鴈鬱孤攔楮繞深秋

鬱孤臺
在虔州

胷中

淳于吞一石

史記淳于髡一石亦醉

塵下庖丁解十牛

莊子音義庖人丁其

名也管子有屠牛坦一朝解九牛又賈誼傳屠牛坦一朝解十二牛而芒刃不頓者所排擊剝割皆象理解也

塵下疑是筆下

他日欲言人不解西風散髮掉扁舟

稽叔夜詩散髮巖岫

次元明韻寄子由

山谷兄大臨字元明寄子由詩云鍾鼎功名淹管庫朝廷翰墨

寫風煙管庫謂監錫州鹽酒稅也子由在錫有東軒記實元豐三年十二月作是歲庚申山谷得邑

太和辛酉到官

半世交親隨逝水

論語子在川上曰逝者如斯夫不舍晝夜劉楨詩逝者如流水哀此遠分

離虛全詩百年逝過如流川

幾人圖畫入凌烟

唐書貞觀中功臣圖形凌煙閣

春風

春雨花經眼江止江南水拍天韓詩海氣昏欲解銅章

行問道

漢官儀縣令秩五百石銅章墨綬欲解銅章可見太和作四首同時

定知石友許

忘年

石友忘年並見前注

脊令各有思歸恨日月相催靈滿顛

杜詩

千戈况復塵隨眼鬢髮還應靈滿頭言彼此皆有兄弟之思如脊令在原也

再次韻奉答子由

薑尾銀鉤寫珠玉

見前注

剡藤蜀繭照松烟

唐舒元興有弔剡藤文繭

紙見前注

似逢海若談秋水

莊子秋水篇見前注

始覺醯雞守甕天

莊子

田子方篇孔子曰丘之于道其猶醯雞歟微夫子之發吾覆也吾不知天地之大全也杜詩謬知終畫虎微分

是醺
何日青揚能覲面
鄰國風君子偕老云子之清揚揚且之顏也注云清視清明也

揚廣揚而頭角豐滿魯國風猗嗟云抑若揚兮注揚廣揚人云猗嗟名兮美目清兮注目上為名目下為清又

云清揚
只今黃落又周年
月全季秋草木黃落兮鴈南歸秋風詞草木黃落兮鴈南歸

文選舞鶴賦窮陰
萬錢買酒從公醉
杜詩左相曰興費殺節急景凋年萬錢飲如長鯨吸

百一鉢行歌聽我顛
傳燈錄道吾和尚有一鉢歌

再次韻寄子由

想見蘇耽攜手僊
神仙傳蘇仙公桂陽人漢文帝時得道仙去後有白鶴來止郡城東北樓

上人或挾彈彈之鶴以瓜搜樓板似漆書云城郭是人
民非三百甲子一來歸吾是蘇君彈何為又一說蘇耽

者挂陽人也少以至孝著稱初去時云今年天疫死者各半家中井水飲之無恙果如所言出洞仙傳所載鄉

里及行事大槩皆同
可見仙公即蘇耽也
青山桑拓冒寒烟
騏驎墮地思千

里
韻書曰騏驎白馬黑脊傳休奕豫
虎豹憎人上九天

宋玉招魂云現兮歸來君無上
風雨極知難自曉
鄭國

雨漢漢雞
雪霜寧與菌爭年
莊子逍遙篇朝菌不知晦

也杜牧題魏文貞蠅姑亭與雪霜朝賢哲難教俗
何時

確論傾樽酒
醫得儒生自聖顛
元注云出素問今按難

病何以別之自高賢也自辨智
也自貴倨也妄笑好歌樂也

次韻寄上七兄

學得屠龍長縮手

屠龍見前注

鍊成五色化蒼烟

列子湯問篇天地亦

物也物有不足故昔者女媧氏鍊五色石以補其闕

誰言遊刃有餘地

恢恢乎其于遊刃必

有餘地矣此莊子言庖丁解牛今以言屠龍李白詩授刃有餘地

自信無功可補天

鍊言

石也啼鳥笑歌追暇日飽牛耕鑿望豐年

帝王世紀老人擊壤于道曰吾

鑿井而飲耕田而食帝何力于我哉荷鋤端欲相隨去邂逅青雲恐疾顛

高位實疾僨厚味實腊毒見國語周語下

和七兄山贛湯

厨人清曉獻瓊糜

見前注

正是相如酒渴時

司馬相如傳常有消渴病

杜詩酒渴

能解飢寒勝湯餅

東晉餅賦玄冬猛寒清晨之會湯凍鼻中霜凝口外

充虛解戰渴餅為最

略無風味笑蹲鴟

漢貨殖傳下有蹲鴟至死不飢注謂芋也世說大飢

不飢蜀有蹲鴟

打窓急雨知然鼎亂眼晴雲看上匙已覺塵生

雙井挹

雙井茶出洪州分寧

濁醪從此不須持

杜詩濁醪有妙理

同韻和元明兄知命弟九日相憶二首

山谷有此詩草本真

蹟云萬重雲裏孤飛鴈只聽歸聲不見身却把黃花同悵望寄傳詩句更清新末句奉親歸製白綸

巾傍注改今本南北作南渡兄弟作
茅駕老作改晚作次篇回鄰作鄰田

華囊南渡傳詩句摹寫相思意象真九日黃花傾壽酒

幾回青眼望歸塵蚤為學問文章誤

杜詩執袴不餓死信冠多誤身

晚

作東西南北人

檀弓上孔子曰丘也東西南北之人也高適人日寄杜二拾遺詩龍鍾遲暮二

千石愧爾東西南北人

安得田園可溫飽長拋簪紱裹頭巾

後漢皇甫

規傳退不得溫飽以全命

萬水千山厭問津芭蕉林裏自觀身

維摩經是身如芭蕉中無有堅又云

又復觀身身不離病鄰田雞黍留熊也

論語殺雞為黍而食之

風雨關河走

阿泰

熊也阿泰當時山谷兄弟小字山谷兄弟五人大臨庭堅叔厭叔達仲熊仲熊即墓誌所謂非熊代

書一篇所謂阿熊而今詩所謂熊也阿泰蓋可類推

鴻鴈池邊照雙影脊令原上

憶三人

兄弟中兩人相聚而三人別去也

年年獻壽須歡喜白髮黃花

映角巾

晉羊祐傳與從弟琇書曰既定邊事當角巾東路歸故里王道曰元規若來吾便角巾還第杜

詩錦里先生鳥角巾白樂

天詩病喜頭輕換角巾

代書

阿熊去我時

山谷有非熊蓑銘云仲熊其名非熊其字先大夫之幼子漢外戚傳竇廣德曰姑去

我西時與我訣傳舍中

秋暑削甘瓜

魏文帝與吳質書浮甘瓜于清泉

離別日月

除

詩日月其除

蓮房倒箭韞

韞箭室也

得書報平安肥字如栖鴟

玉川子添丁詩忽來案上
詠墨汁塗抹詩書如老鴟
汝才躍鑪金自必為鏤錫子

大宗師篇今大冶鑄金金踊躍曰我
且必為鏤錫大冶必以為不祥之金
窮年抱新書新書謂王

氏經學東坡次韻秦觀秀才見贈詩
縱橫所值無不可如君不怕新書新
挽條咀春葩退之進學

解含英咀華又詩云東
野動驚俗天葩吐奇芬
弄筆不能休文選興論云傳數之于班固伯仲之

間也而困小之與弟趙書
曰武仲下筆不能自休
屈宋欲作衙唐杜審言傳常語人曰吾文章

當得屈宋
屈指推日星屈指計其日見陳鴻傳
許身上雲霞杜詩許身

一作衙官
一何愚慕銘云先大夫以歲月日時參伍以歷家為古
祥非熊亦自恃其命曰我生日在申辰在卯歲庚午二天

地合終
富貴
安知九天闕虎豹守夜叉虎豹九闕夜叉守門並見前注
視田

操豚蹄持狹所欲奢

史記淳于髡傳臣從東方來見道傍有稼田者操一豚蹄酒一盃而

祝曰甌窶滿簞汙邪滿車五穀蕃熟穰穰滿家臣見其所持者狹而所欲者奢故笑之

文章六經

來汗漫十牛車

漢倪寬傳大家牛車小家擔負擲子厚作陸大通表其為書處則充揀字出

則汗牛馬牛白詩筆荒

譬如觀滄海細大極龍鰲

退之鰲魚

文云潮之州大海在其南鰲之大鰲蟹之細無不容歸

古人以聖學未肯廢百家

舊山木十圍齋堂綠陰遮紅稻香盂飯

維摩經化菩薩以滿鉢香飯與

維摩黃雞厭食鮭

鮭疑是食鮭見前注鮭魚也音鞋不在此韻鮭按圖經本草蛙有背作黃

文者又云一名水雞

摩挲垂腴腹

韓詩外傳魚之侈口垂腴者魚畏之凡言腹腴皆魚也獨王充

論衡云竟若脂舜若脂
然耐之君垂腹尺餘

頗復讀書耶念汝齒壯矣無婦

助烹茶父兄亦憐汝須兒牧犬獬

左傳史卒出獬行出
犬難飽明遠詩倚杖

牧雞

且伐千章木

漢貨殖傳
木千章

贈行當馬過

文選馬融笛
賦云刻其上

孔通洞之裁以當筵使
易持注云筵馬策也

羸糧果後時

史記李斯傳躍馬
羸糧唯恐後時

定隨八月槎

張華博物志云舊說天河與海通近世有
人居海濱年年八月有浮槎去來不失期

人有奇志立飛閣于槎上多齋糧乘槎而去十餘日中
猶見星月日辰自後茫茫忽忽亦不覺晝夜十餘日

至一處有城郭狀屋舍甚嚴遠望宮中多織婦見一丈
夫牽牛渚次飲之牽牛人驚問曰何由至此此人具說

來意并問此是何處答曰君還至蜀郡訪嚴君平則知
之及歸問君平對曰某年月日有客星犯牽牛宿計其

年月正此人到天河時也杜甫扶輿詩

覺民在林

中集

聽猿竄下三聲淚奉使在隨八月槎

字說云弟仲堪溫恭而

文庭堅字之曰覺民

詩肅肅免置極之

丁丁聞免置

置施于

中林

奉身甚和友幹父辨吐嗟

嗟便辨按文選曹子建詩自顧非金石吐嗟今心悲注

引說文云吐叱也嗒大呼也言人命在叱呼之間吐丁

兀切嗒子夜切漢木有此

語至晉而訛為吐嗟也

臺源吟松籟

閒道臺源境

先生岸巾紗

杜詩自懷岸巾王荆

鋤荒三徑通

公詩孫陵西曲岸烏紗

留客

醉風月盤筍供柔嘉

退之詩野蔬拾新柔詩

柔嘉維則此摘其字

仍工朱絲

絃

文選陸士衡詩

洗心拂奇邪

禮記祭義雖有奇邪

直如朱絲絃

而不治者則微矣

孤

臣發楚調

謂屈原楚詞

傾國怨胡笳

世傳胡笳十八拍蔡琰所作傾國見漢書李夫

人把筆學周鼓

鳳翔石鼓文世傳周宣王時作

不為蓬生麻

說苑蓬生麻中不扶

自元明祖師禪

山谷兄大臨字元明

妙手發琵琶已無富貴心鼓

吹一池蛙

孔蛙池蛙見前注

天民服農圃頗復秋歛餘

天民疑是覺民

昆仲周禮泉府散市之不售貨之滯於民用者以其賈買之凡賒者祭祀無過旬日

下田督耒耘

入嶺按新畬

周頌臣工云亦又何求如何新畬注云田二歲曰新三歲曰畬

悉力輸王

賦至今困生涯

莊子吾生也有涯

知命叔山徒

莊子德充符篇魯有兀者叔山

無趾知命山谷弟名叔達足蹇故以為喻

爐香嚴佛花

園覺經云心花發明惟思必芻

園

梵語此丘或曰菰芻勝經號僧曰菰芻此物草也而有五義一生不背日二冬夏常清三體性柔軟四

香氣遠勝五引蔓倚作為佛徒弟亦然故以為名

脫冠着袈裟

梵語袈裟此云不正色即壞色

染衣

起家望兩季

漢儒林傳孔氏有古文尚書孔安國以今文讀之因以起具家佩金

躡朝韡嘉魚在南國

小雅南有嘉魚樂得賢也

宗廟薦鱠

小雅魚麗美萬

物盛多可以告于神
明矣魚麗于罟鰯

我為萬夫長

書咸有一德萬夫之長可以親政言為萬

戶縣
也
朝論不齒牙

南史謝朓傳朓好獎人才曰士子聲名未立應共獎成無惜齒牙餘論退

之詩顧我未
肯置齒牙

刺頭簿領中蚤虱廢搔爬

柳子厚詩中散虱空爬益用文

還藉康施文書性復多
爬搔無已而當裏以章服

世累已纏縛官箴易疵瑕

左傳

襄四年魏繆論和戎云昔周辛甲之為太史也命百官
官箴王闕傳七年楚文王謂申侯曰子取予求不女疵

瑕

何時煙雨裏驅羊入金華

黃初平牧羊金華山見前注

遣奴迫王

事不暇學驚蛇

晉衛恒傳張伯英臨池學書池水盡黑下筆必為楷則孰忽忽不暇草書法書

要錄義之自叙草書云疾若驚蛇之失道

雙澗寺二首

寺在太和境內

二水泚泚鳴屋除

韓文藍田丞廳記水瀧瀧循除鳴

松林落日吼烏菟

左傳楚人謂虎為烏菟

老僧更有百歲母白髮身為反哺烏

萊曾補亡

詩嗷嗷林鳥反哺于子爾雅純黑而反哺者烏也杜詩舟鷁排風影林鳥反哺聲

山隄江深屋翠崖夜鐘聲自甕中來長松偃蹇蒼龍卧
六月澗泉轟怒雷

睡起

柿葉鋪庭紅顆秋薰爐沈水度衣篝

說文曰篝篝也
可薰衣

松風

夢與故人遇同駕飛鴻跨九州

文選郭璞遊仙詩赤松
臨上仙駕鴻乘紫煙李

白詩不及廣成
子乘雲駕輕鴻

奉送周元翁鎖吉州司法廳赴禮部試

周敦頤號
溪二子壽

壽字季老後改元翁
壽字通老後改次元山谷
在太和元翁任吉州司法至元豐五年於黃裳榜

登第此詩即送其赴禮部試也後次元亦于元祐
三年李侍寧勝登第元祐終司封員外郎次元終

徽猷閣待制集中與元翁
及次元唱和詩凡十篇

江南江北木葉黃

楚詞洞庭波
分木葉下

五湖歸鴈天雨霜

後漢
隗囂

傳范蠡乘扁舟於五湖
杜詩青楓葉赤天雨霜

繫船湓城秣高馬

湓城江州也
言自此陸行

文選馬賦旦刷幽燕畫秣荆
趙退之云膏吾車兮秣吾馬

客丁結束女縫裳

詩葛屨
云慘慘

女手可
以縫裳

貢書登名徹未央

退之復志賦豈不登名于一
科兮曾不補其遺餘漢高帝

龍蕭何治未央宮立東闕北闕師古曰未央殿雖南向
而上書奏事謁見之徒皆詣北闕公車司馬亦在北蓋

以北闕為正門而又有東
門東闕以厭勝之術也

不比長卿薄游梁

司馬長卿
病免客遊

梁見本傳梁
即汴京也

南山霧豹出文章

見前注

去取公卿易驅羊

杜牧示阿宜云願汝
出門去取官如驅羊

與君初無一日雅

漢谷永傳永奏書謝王鳳曰永

無一日之雅
左右之介

傾盖許子如班揚

家語孔子之鄉遭程子于塗傾盖而語班謂固

揚雄也

囚拘官曹少相見

鵬鳥賦愚士繫俗窘若囚拘

忽忽歲晚稼條

場

詩七月云十月淞場

一盃僚友喜多在謝守不見空澄江澄江

如練明搗袖

謝朓詩云餘霞散成綺澄江淨如練又云南中榮搗袖李白詩解道澄江淨如練全

人長憶
謝玄暉

萬峯相倚摩清蒼暮堂醺醺客被酒

漢書高祖被酒夜徑

澤
中
艷歌聒醉燭生光

韓退之短檠歌長檠艷歌照珠翠前集聽宋宋儒摘瓦教云促絃聒

醉驚客起兩用此字按春明退朝錄云太宗嘗謂侍臣
日後唐莊宗湛飲以鄭聲與胡部合奏謂之胎帳自昏

達旦不息山推鼓發船星斗白見前明日各在天一方

杜云我行山川寒鷗滿枝二橋宅樽前顧曲憶周郎吳志

周瑜傳時年二十四吳中皆呼為周郎從孫策攻皖城
拔之得橋公兩女皆國色也策自納大橋瑜納小橋瑜

少精意于音樂雖三爵之後其有關談瑜必知之知之
必顧故詩人謠曰曲有誤周郎顧衆字記云橋公亭在

舒州懷寧縣北隔皖水一里同安志有鱸魚斫膾蔗為
橋公亭記云聞之者臺橋公之舊居也

漿後漢左慈傳在司空曹操曰今日高會珍羞略
備所欠吳松江鱸魚耳元放曰此可得也因求銅盤

貯水以竹竿餌釣于盤中須臾引出一鱸魚又餌鉤沈
之須臾復引出皆長三尺餘操使目前瞻之周洪會者

蕭發見前注

恨君不留誰與嘗殿前春風君射策漢庭諸公

必動色

劉文房殘蕭郎中赴潤州序我蕭公建隼此地化行五年漢庭羣公方待以美職呂和撰劉公

神道碑重氣再廊閣境昭蘇由是漢庭諸公始重其節杜詩滿堂動色嗟神妙射策見前注

故人若

問黃初平將作金華牧羊客

太白詩金華牧羊兒延是紫煙客黃初平見前注

飲潤父家

黃涯字潤父會稽人後更名育字懋建山谷以司宗為作字序時為吉州司理

與之同寅

齋閣寒麝薰書帙映斜景

老杜詠竹云色侵書帙晚

偶來搏俎同延

此笑言頃宮線添尺餘

荆楚歲時記宮中以紅線日影至日日添一線杜詩何人量

錯思窮愁日愁
日愁隨一線長
朝來日未永
一醉解語花
開元天寶遺事太液池千

葉白蓮開帝與貴戚燕賞
指貴妃日爭如我解語花
萬事畫地餅
魏志唐統傳詔日還舉莫取有

各名如畫地作餅不可啖也白樂天詩
望梅閣老無妨渴盡餅尚香不救飢
要似虎頭癡何

須擣里瘦
虎頭顧愷之也晉書本傳云愷之才絕畫絕癡絕史記擣里子傳滑稽多智秦人號曰智

囊愷之傳無虎頭之稱東坡詩有癡虎頭字注謂顧愷
之嘗為虎頭將軍按張彥遠名畫記愷之小子虎頭擣

里傳不言癡白氏六帖疾
門有智囊宿瘤注並癡也

次韻寄潤父

昏昏迷簿領
昏昏簿領見前注
勿勿貴晷景
顏氏家訓世中書輪多稱勿勿相承

如此莫知其由或有妄言此忽忽之殘缺耳案說文勿
音州里所建之旗也象其柄及三游之形所以促民事
故忽遮者柄勿勾說文又曰畧日影也周禮北官曰大
司徒以士圭之法測土深正日景以求地中退之秋懷
詩憂愁費畧景日月
如跳九貴字疑是費
嘗盡身百憂
左傳綱晉侯險阻
迄

無田二頃

蘇秦傳使我國有雒陽負郭田二頃吾豈能佩六國相印乎

喜從吾宗遊九

里河潤永

見前注

呼兒跪酒搏戎婦饌湯餅

杜詩喚婦出房親自饌劉

夢得云我作坐上客引箸舉湯餅

老夫何取焉君悅甕盎癭

甕盎大癭見前注退

之詩餘瀾怒不已喧聒鳴甕盎

送酒與周法曹用前韻

吉州司法周元翁也

遥知謝法曹

南史謝惠連為彭城王義康法曹行參軍

詩句多夏景聞道學

書勤墨池方一頃

王羲之傳曾與人書云張芝臨池學書池水盡黑法書要錄所載一同唯

石刻孫過庭書譜云張精熟池水盡墨嘗以碑板為正臨川有王逸少墨池曾子固作記見本集

大字

苦未適

魏文帝與吳質書曰公幹有逸氣但未適耳劉孝標廣絕交論聲未適于雲間

小字逼

智永

法書要錄陳永欣寺僧智永會稽人遠祖逸少歷紀專精真草唯命張祐詩不絕義之法難窮禪智

流
我有何郎樽清江醞玉餅還書及斗數與君酌楠癭

玉餅謂麴也司馬遷傳云媒孽其短師古曰孽如麴孽之孽齊人謂麴餅為媒運書及斗數疑有舛誤武攸緒

王公遵以癭杯東坡賦酌以癭藤之樽

山谷外集詩注卷九